

治臺必告錄

治臺必告錄卷七目錄

賞加二品頂戴恭謝 天恩摺

丁巳

會奏臺屬早稻收成摺

早稻收成清單

親赴彰化內山督軍勦滅全股踞逆摺

隨摺保獎清單

乘勝嚴督各軍分路搜拏並查辦善後事宜暨凱旋安籌

防海情形摺

潛回股首嚴辦勾結搶匪滋事片

剿滅嘉義二重溝逆巢並會同籌辦防海事宜摺

統軍到彰督剿餘匪摺

賞加布政使銜謝 恩摺

會奏妥籌善後摺

鄉試各生赴省有遭風淹沒請 卹片

文武員弁兵勇陣亡死傷請 卹片

彙獎清單

告病籲請開缺片

治臺必告錄卷之七

皖懷丁曰健述安

賞加二品頂戴恭謝

天恩摺

奏爲恭謝

天恩仰祈

聖鑒事。竊臣於同治三年四月十二日接撫臣行知。本年二月

二十三日內閣奉

上諭徐宗幹奏臺灣南北兩路現就肅清。請將尤爲出力之鎮

道。先行獎勵一摺。護水師提督記名總兵副將會元福所向  
克捷。臺灣道丁曰健運籌決勝。均屬著有微勞。會元福著賞  
給堅勇巴圖魯名號。丁曰健著賞加二品頂戴。以示鼓勵。餘  
著照所擬辦理。該部知道。欽此。欽遵。轉行到臣。當卽恭設香  
案。望

關叩頭謝

恩。訖伏念臣宛平下士。知識毫無。由舉人揀發福建知縣歷任  
廳縣。因臺灣軍功出力保陞同知。加知府銜。

賞戴花翎復於克復汀州府案內。

奏以道員留閩遇缺卽補。慰署福建糧道及布政使去春交卸後。秋間蒙

簡授臺灣道員缺。

賞加按察使銜。疊沐

天恩。至優極渥。凜懷夙夜。感悚交深。自督師由北渡臺。去冬克復彰斗。會擒戴逆以後。督辦聯莊緝匪。餘孽雖多就獲。現時尚未搜捕淨盡。仰慰

聖懷。正深惶恐。茲又復邀

寵命。

賞加二品頂戴感

鴻施之逾格。覺報稱之爲難。慚惕之餘。亟圖自効。臣惟有竭盡  
駑駘。益加奮勉。於一切應辦善後事宜。實心講求。督飭所  
屬認真搜捕。一面移催署臺灣鎮臣曾元福。刻速策勵兵  
勇。會合各營。務將抗拒逆莊。剋日攻滅。在逃餘匪。悉數殲  
除。以冀除惡務盡。保安善良。仰酬

高厚生成於萬一。所有微臣感激下忱。理合恭摺具

奏叩謝

天恩伏乞

皇太后

皇上聖鑒訓示謹

奏

議政王軍機大臣奉

硃批知道了

會奏臺屬早稻收成摺

奏爲恭報臺屬早稻收成分數仰祈

聖鑒事。竊臺地本年入春以來。雨澤稀少。迨交夏令。臺沛滂沱。又覺雨水過多。各屬早稻成熟。尚不失爲中稔。除澎湖廳



向不產穀。臺灣縣土性鬆浮。不種早稻。外其餘廳縣各將收成分數陸續開報。由臺灣府知府陳懋烈彙數詳請具奏前來。臣等覆查無異。數計臺屬二廳三縣早稻收成。勻算六分有餘。現在地方甫就安定。本年早稻收穫可稱中稔。民情亦尚靜謐。堪以上慰

聖懷。所有臺屬早稻收成分數。臣等未敢稍涉拘泥。理合附驛

恭摺具

奏另繕清單。敬呈

御覽伏乞

皇太后

皇上聖鑒謹

奏

早稻收成清單

謹將同治三年臺灣二廳三縣早稻收成分數繕具清單

恭呈

御覽

淡水廳早稻收成七分有餘

噶瑪蘭廳早稻收成七分

鳳山縣早稻收成七分有餘

嘉義縣早稻收成六分有餘

彰化縣早稻收成六分

以上二廳三縣勻算收成六分

親赴彰化內山督軍勦滅全股踞逆

奏爲親赴彰化內山督軍勦滅全股踞逆並搜捕各處逸匪

臺疆一律安定現仍分兵淨殲餘孽督屬妥辦善後事宜

恭摺馳陳仰祈

聖鑒事竊臣先因彰化餘匪續獲未淨欽遵前奉

諭旨親往剿辦。業將統軍起程日期。暨到地後督剿獲勝情形。於本年九月初六。十月初六等日。先後繕摺馳

奏在案。伏查臺地巨逆洪機與首逆戴萬生。林慙晟。陳啞狗。弄等。本係同惡相濟。溯自該逆等結會倡亂以來。戕官陷城。分股肆擾。黨與日聚。逆焰益張。爲時兩載有餘。蔓延數百餘里。幾同燎原之火。撲滅爲難。臣於二年秋間奉命補授臺灣道員缺。並奉撫臣徐宗幹

奏委督辦全臺軍務。統兵渡臺。招集舊部精勇。相機進取。先後克復彰化。斗六。城堡。嗣又會擒首逆戴萬生。明正典刑。

其林慙晟陳啞狗弄等逆。併經策調在事官紳民團。隨同署陸路提督臣林文察。署鎮臣曾元福。以次剿除。惟洪樓一犯。生性狡悍。族類尤多。素爲戴林二逆所倚賴。且所居之地。北勢滿莊。接壤番界。旣爲各逆遁逃淵藪。又可作竄匿入番之路。聚黨甚眾。疊抗官軍。此中棘手情形。前經署陸路提督臣林文察詳晰陳

奏在案。旋經林文察暨前鎮臣曾玉明。屢次帶隊往攻。僅將附近該莊。僞造宮殿燬滅。仍難搗穴擒渠。其爲狡惡之尤。迥非他逆可比。茲臣督軍剿辦。派令四品軍功范義厚某

率帶兵勇會集紳國進攻之後。隨又調派隨營委員候補  
都司凌定邦。通判王修業守備陳兆麟。千總戴捷春。外委  
黃允升等。多帶勇丁。並飭剿勝馬。薛潭各軍前往協助。  
雖我軍連日進戰。步步爲營。佔紮銃櫃數座。屢施礮火。擊  
中逆屋倒塌頗多。該逆出拒。亦被我軍殲斃不少。然路運  
險惡。附巢一帶賊營。銃櫃林立。我軍迫近圍攻。該逆憑壘  
堅敵。施放鎗礮甚密。勇丁亦有傷亡。乃該逆又於十一月  
十九日。乘我軍戰勝收軍。復率大股悍賊來撲我營。經守  
備鄭榮率隊出擊。腿受銃傷。猶能帶傷奮擊。而同知王。楨

通判王修業都司凌定邦守備陳兆麟縣丞張國楷千總  
劉全戴捷春等亦各率勇出援合力擊退。兇匪多名。我軍  
尚無挫失。然當此內地有事之秋。正羣匪思逞之際。雖鎮  
臣業已折回郡垣。妥籌防範。而臺北一端。仍須由臣督屬  
嚴防。倘有另股響應。必致分我兵力。且聞該巢復多馬奔  
潭。敗匪竄匿其間。結爲死助。而近巢洪姓各莊。又不免私  
相接濟。更有逆兄洪璠人本克殘。心懷詭譎。洪樓之敢於  
悖亂。亦係專用其謀。而匪黨族眾之中。素又稱其有才。更  
相比附。續有傳聞。洪樓已被我軍破。轟震斃。但其抗拒如

前守禦益密。既恐洪璠逞其詐術。懈我軍心。更慮洪璠已死。洪璠自立爲首。勾結尤易。剿辦愈難。若非親督攻剿。迅截要路。絕其糧援。實難權操必勝。臣隨於十一月二十日。督率親軍。由寶斗移駐。我軍迫紮內山之看頂營壘。登高瞭望。北勢涌賊莊。業已另立紅旗。該處地勢險深。銃柵密布。且兼竹圍濠溝重壘。本屬易守難攻。其正南看頂一帶。已爲我軍連營二十餘座。並造有銃樓礮臺。而緊接賊巢迤西之牛峙峙。箐仔園上茄荖下茄荖山圳蔡迤東之糖廊蔗園塗城雞柔崎頂坪等處。皆賊藩籬。其牛峙峙尤爲



賊之咽喉要路。此外龜仔頭一帶更係該逆通番必由之徑。均須分別佔取扼紮。並多造竹筏。由黑水大溪後路夾擊。方能制其死命。當飭鹿港同知與廉義首廖生洪鍾英。貢生陳如璧。吳聯輝。擬保守備陳雲龍等。調集番屯堵截。龜仔頭通番要路。並令運同銜義首趙仲銛。舉人蔡鴻猷。把總王希賢。從九品顧德濂。文童范寶書。義首王國柱。外委簡思聰等。抄出賊巢之後。多造竹筏。由黑水大溪夾擊。又派追捕馬彝潭。敗匪之署彰化縣張世英。帶勇駐紮新街。以爲我軍後應。並飭設局聯莊。解散賊援。臣卽親督各

軍分路夾擊。隨令委署副將遊擊李朝安。署南投縣丞葉滋。千總戴捷春。中書林錫爵。外委張建功。黃允升等。率帶勇丁。攻箐仔園上茄荖下茄荖圳蔡一帶賊營。並派署都司張顯貴。知縣白驥良。中書林鳳池。未入流華廷錫。廩生張春華。義首陳捷三等。率勇攻糖廊蔗園塗城雞柔崎頂坪等處逆壘。又令鄭榮王楨王修業張國楷劉全等多帶精勇。專攻牛峙崎賊隘。臣自率都司凌定邦。守備陳兆麟。直隸州劉泳。附生孟際滋。勇首林成等。督軍力搗中堅。以掣其分援之勢。於十一月二十七日。起疊次鏖戰。鎗礮齊

施轟坍老巢逆屋多處。奪取箐仔園、上茄荖、下茄荖、圳寮、糖廊、蕉園、塗城雞柔崎頂坪及附近逆巢。前後銃櫃三十餘座。踹燬賊營二十餘座。陣斬僞左先鋒洪老義等。並殲斃匪黨無算。而牛峙崎下一帶賊營銃櫃亦經鄭榮襄創力戰。同王楨等一律攻燬。我軍遂添紮三十餘營。並預派義首呂偉傑、勇首施福等由我軍搶紮。相距逆巢最近之兩抱竹銃樓內。開挖地道兩處。限日直抵逆巢。當我軍分路進攻時。據屯弁巫清眉等解送訪獲奸細方九一名。逆信一封。經臣提訊。據供洪欉已於十一月初十日被官軍

礮轟震斃。新立僞北王洪璠。約會萬斗六莊股首洪慙古。招黨來援。今洪慙古着伊送信到北勢浦逆巢。囑其堅守。以待等語。將該犯處決。又據張世英會營拏獲。造謠招匪之股首張曉等三名。又據鄭榮巡獲洪璠遣赴舊社石頭埔番仔田等莊。糾匪堅斫。以及招黨圍攻縣城之匪黨吳首等三名。先後解營。及由該縣訊明正法。當因張世英現在內山新街聯莊。並隨同攻剿。未克兼顧縣城。隨飭前署彰化縣續升知府凌定國。會同署北路協副將湯得陞。在城嚴加防範。一面催令鄭榮等迅攻牛峙崎頂賊隘。卽於

十二月二十日。亦經鄭榮等攻拔。燬其賊壘兩座。佔取銃櫃五座。陣斬偽右先鋒洪照一名。並擊斃賊匪無算。其老巢內逆眾。見牛峙崎頂賊隘。已爲我軍所拔。糧援盡絕。甚屬驚慌。是日地道亦已告成。當令各軍準備衝突截殺。於二十一日丑刻。地道火發。直轟逆巢。臣卽揮令各軍鎗礮火箭。一齊轟發。望見透巢。塵土蔽空。火光四射。並令凌定邦。陳兆麟。劉泳。孟際滋。林成等。率帶精勇。由賊巢前面急進。而鄭榮。王楨。王修業。張國楷。劉全等。已由牛峙崎率帶勇丁。首先斬關躍滾而入。李朝安。葉滋。戴捷春。張建功。黃

允升等。卽由箐仔園上茄老下茄老圳蔡一帶率帶兵勇。同時猛進。張顯貴。白驥良。林鳳池。華廷錫。張春華等。亦由塗城糖廊等處。揮軍殺入。賊匪四散奔逃。各軍奮勇截殺。立斃匪黨三百餘名。生擒紅衣賊黨余石頭等七名。其死於火焚礮擊者。不計其數。又趙仲銛。蔡鴻猷。王希賢。范寶書。王國柱等。亦由黑水大溪。駕坐竹筏。擊其後路。適遇匪黨奔突而來。我軍奮力截殺。並迫溺淹斃者甚多。其有逃赴龜仔頭一帶者。並經與廉洪鍾英。陳如璧。吳聯輝等。率令番屯截殺大半。餘皆逃往深林密箐之中。莫可窮追。臣

於次日天明。親詣逆巢。查看洪機逆屋。半遭焚燬。放出被  
擄閩禁良民三十七名。搜獲僭妄服物。及鎗礮旗幟多件。  
而該逆屍棺。則難尋踪。跡訊據生擒賊供。洪機屍棺。聞已  
掩埋。實在不知埋於何處。新立首逆洪璠。先於數日前。已  
赴新莊地方。隨令閩營員弁兵勇義首人等。徧處搜查洪  
機屍棺。並飭張世英。凌定邦。陳兆麟。陳捷三。郭璜等。帶勇  
前往新莊圍拏。洪璠。務獲解辦。旋據稟報。各該員帶勇馳  
往。經張世英。首先拏獲。新立偽北王。洪璠一名。併經該員  
等。先將同時擒獲。率眾拒捕之偽軍師。許大懸。股首。蕭朝

旺匪黨洪自然等十名。就於軍前正法。卽將洪璠一名押解來營。當提洪璠訊據供稱。洪橫係該犯胞弟。前與戴萬生等謀逆。自封北王。總制大元帥。該犯亦受僞司馬之職。凡洪橫夥同戴逆攻陷城池。及一切僭逆之事。均係該犯代爲主謀。現在洪橫於十一月初十日。被官軍礮轟震斃。匪眾共立該犯僞北王。今因官軍連日進攻。適有曾克首逆林薌成先鋒。與該犯素識的巫阿乖。來說官軍糧餉無多。不能久持。若前往各處約會堅旗。並聲言往攻彰化縣城。自必退回救應。或堅壁拒守。待官軍糧盡自退。是以該



犯遣黨吳首等。往舊社等莊。約會豎旗起事。那知近日官軍圍攻愈急。該犯遂於十二月十三日潛赴新莊。招集族眾先來救援。詰以洪機屍埋何處。據供該犯往新莊時。尚未掩埋。迨官軍破巢後。是否被火焚燬。抑匪眾已爲埋匿。委不曉得。又詰以陳鯁有無潛逃巢內。據供馬奔潭敗匪來此雖多。並無陳鯁。聞已受傷遠逸。不知踪跡等語。該逆洪璠生長於斯。爲附近居民所共識。是日觀者如堵。咸謂惡貫滿盈。並飭被擄之民人莊矯認明。果係正身。當將新立僞北王洪璠極刑處死。傳首示眾。暨將破巢陣擒之余。

石頭等七犯。分別斬決梟示。而洪樓屍棺。並據張世英會同鄭榮葉保國等在該逆屋後竹林最深處掘出。擡送營次。臣當卽對眾開棺驗明。該屍尚未腐爛。年約三十餘歲。蓄髮甚長。穿戴龍冠龍服。飭令被擄民人李道新辛登及曾與對陣之勇首林成等認明。委係洪樓真屍。隨卽戮取首級寸磔其屍。舉火焚燒。仍將首級傳示被擄地方。以彰天討而快人心。第查洪璠所供糾約堅旂響應之舊社等莊。均多逆案。餘匪潛伏。亟應乘勝剿捕。又奸細巫阿乖。併應嚴拏懲辦。當經派令鄭榮、王楨、張顯貴、凌定邦、劉泳、葉滋、趙

仲銛等率勇赴萬斗六舊社石頭埔番仔田等莊共二十八處會集各該處紳團先後燬巢搜獲股逆洪懃古洪熊洪江水薛元紀業等共三十一名解營訊明斬決並據洪鍾英等拏獲奸細巫阿乖一名訊認曾與洪璠勾謀約會匪徒豎旂攻城並唆使堅抗不諱亦卽正法此外逃往各處餘匪併經節飭所屬會營認真搜捕業據署嘉義縣知縣白鸞卿等先後拏獲逸匪詹鯨等十名分別解營及就地正法均經臣前摺據實陳明在案嗣據署斗六縣丞程榮森稟報會營拏獲在逃股首林晚等及逃匪陳貓溪等

四名經臣委員前往訊明正法。又據署淡水同知鄭元杰稟報。偵獲匪黨張太平等七名。訊明就地正法。又據張世英稟報。剿破馬莛潭逆巢。先後追捕偽先鋒呂傳及匪黨黃生等十五名。分別斬決。是此次窮搜極捕。固已痛創嚴懲。地方已就安定。惟尚有星散逃逆。雖黨盡力衰。勢已窮蹙。然根株莫淨。終虞萌蘖復生。况當內地漳郡尚未克復。設或外匪偷渡來臺。更難免勾結爲患。臣現仍嚴飭各軍分路搜拏。並將善後事宜督屬妥辦。以期仰副

聖主除惡務盡永奠生民之至意。特是該逆洪樓久未就獲。疊

次欽奉

諭旨上緊緝拏。務獲免致再行勾結生事。乃洪機怙恩貪亂踞險負隅。其鋒莫敵。實甚諸逆。而洪璠先則陰與主謀。嗣復堅旂繼叛。罪無與比。法更難容。且其勾結生事。早在

聖明燭照之中。今臣督軍痛剿。雖亦相持多日。卒使金股盡滅。寸効得收。所有在事出力文武員弁紳團人等。俱能冒險耐寒。陷堅殲敵。及搜捕餘匪。籌借餉需。不辭勞瘁。且各該員或曾隨同克復城堡。擒獲渠魁。先於二年十月間經臣奏報直抵彰化賊巢。連獲大捷情形。當經附片陳請。另行

擇保出力人員。欽奉

恩旨。著臣存記。此外又有力解城圍。保固地方。先旣防剿逾年。今復戰績。聿著。均未便沒其微勞。相應擇尤。另繕清單。懇

鴻慈逾格。准予分別併案給獎。以爲海外從戎奮勉苦戰者勸。其餘出力稍次員弁兵勇紳團並傷亡勇丁人等。仍俟查明。另行核辦。合將微臣親赴彰化內山督軍剿滅全股踞逆。並搜捕各處逸匪。臺疆一律安定。現仍分兵淨殲餘孽。督屬妥辦善後事宜各緣由。謹繕摺由驛六百里馳

奏伏乞

皇太后

皇上聖鑒訓示再臺灣鎮臣曾元福先已折回府城督屬籌防海口未及會銜合併陳明謹

奏

隨摺保獎清單

謹將剿滅臺灣彰化內山北勢浦全股踞逆暨前曾屢著勞績欽奉

恩旨記獎茲復攻剿出力之文武員弁紳圉人等相應分別併

案擇尤酌保繕具清單恭呈

御覽。

謹開

提舉銜候補通判署彰化縣知縣張世英

該員先破馬奔潭逆巢。繼往內山追捕。爲我軍後應。首

先擒獲繼叛首逆洪璠。及搜獲巨逆洪樓屍棺。且該

員當戴逆攻陷彰化。分股北竄淡水。卽能克復大甲。

旋赴彰化內山。攻克賊莊多處。今復勤勞疊著。洵屬

始終奮勉。尤爲出力之員。應予併案獎敘。擬請免補



本班以同知留閩遇缺卽補加知府銜并請

賞戴花翎。

花翎都司銜候補水師守備鄭榮

花翎候補同知王楨

藍翎儘先守備陳兆麟

同知銜候補知縣白驥良

提舉銜候補通判王修業

候補縣丞張國楷

內閣額外中書林鳳池

北路右營千總戴捷春

候補千總劉全

附生孟際滋

該員等率帶精勇。佔紮要隘。力搗賊巢。斬獲甚多。且各該員前曾隨同規復彰化。生擒戴逆。或又攻克山海。逆莊多處。今復戰功懋建。洵屬始終奮勉。尤爲出力之員。應予併案獎敘。鄭榮擬請以遊擊留閩儘先補用。該員裹創力戰。勇敢有爲。并請

賞加勇號。王楨擬請以同知留閩遇缺卽補。仍俟補缺後以知

府補用。先換頂戴。陳兆麟擬請以遊擊留閩儘先補用。並請

賞換花翎。白驥良擬請

賞戴花翎。王修業擬請免補本班。以同知留閩遇缺卽補。張國

楷擬請以縣丞留閩遇缺卽補。仍俟補缺後以知縣卽補。加五品銜。林鳳池擬請免補中書。以同知儘先選用。劉全擬請以都司留閩儘先補用。王脩業張國楷林鳳池劉全等四員均請

賞戴藍翎。戴捷春擬請以守備留閩儘先補用。并加都司銜五

際滋擬請以訓導不論雙單月歸部遇缺卽選并加

五品銜

澎湖左營遊擊委署安平協副將李朝安

藍翎儘先遊擊署北路中營都司張顯貴

藍翎儘先都司凌定邦

分發到省後儘先補用直隸州知州劉泳

署彰化縣南投縣丞候補縣丞葉滋

候補未入流華廷錫

澎湖左營外委張建功

南路下淡水營外委黃允升

該員等率帶精勇。攻奪賊壘。共拔逆巢。斬擒多匪。實屬戰績。聿昭尤爲出力之員。李朝安擬請以恭將留閩儘先升用。並請

賞加副將銜。張顯貴擬請

賞換花翎。凌定邦擬請以遊擊留閩儘先補用。並請

賞換花翎。劉泳擬請

賞戴花翎。葉添擬請免補縣丞。以知縣留閩補用。並請

賞戴藍翎。華廷錫擬請免補本班。以縣丞留閩補用。張建功黃

允升均擬請免補把總以千總儘先拔補並請

賞戴藍翎。

花翎候選知府鹿港同知興廉

該員率帶番屯堵截要路斬殺甚多。且該員前值戴逆  
竄陷彰化。另股迫擾鹿港。乃能力保全境。籌濟各路  
軍火。在事日久。勤苦異常。今復勞績昭著。洵屬始終  
奮勉。尤爲出力之員。應予併案獎敘。擬請以海疆繁  
缺知府留閩遇缺卽補。並請

賞加道銜。

花翎府銜准補平潭同知署淡水同知鄭元杰。

同知銜調補臺灣縣署嘉義縣知縣白鸞卿

該員等此次搜捕餘匪擒獲甚多。且前值彰化匪徒分擾南北各路。或能募勇集團。越境助剿。或竟忍飢堅守。克保危城。厥功甚偉。今復搜捕認真洵屬始終奮勉。尤爲出力之員。應予併案獎敘。鄭元杰擬請以海疆繁缺知府補用。白鸞卿擬請以同知留閩遇缺卽補。並請

賞戴花翎。

候補知府臺防同知葉宗元

同知銜廣東候補知縣裘伯玉

理問銜准補彰化縣南投縣丞溫振邦

理問銜遇缺卽補縣丞胡培

署斗六縣丞候補從九品程榮森

該員葉宗元裘伯玉溫振邦胡培等四員此次委令湊

借餉項均無貽誤程榮森到任未久卽能拏獲在逃

股匪多名且查葉宗元前曾隨軍兩次力解嘉義城  
圍而裘伯玉等四員亦曾隨軍攻克水裏港葭投規



復彰化生擒戴逆。疊著勞績。今各該員又復籌餉搜捕。勞瘁不辭。洵屬始終奮勉。尤爲出力之員。應予併案獎敘。葉宗元擬請

賞戴花翎。裘伯玉擬請以知縣遇缺卽補。溫振邦擬請開缺。以知縣留閩卽補。胡培擬請補缺後以知縣留閩遇缺卽補。加五品銜。程榮森擬請免補本班。以縣丞留閩卽補。裘伯玉溫振邦胡培程榮森四員均請

賞戴藍翎。

捐輸運同銜趙仲銓

五品藍翎舉人蔡鴻猷

七品銜貢生陳如璧

貢生吳聯輝

廩生張春華

廩生洪鍾英

六品職銜義首呂偉傑

文童生范寶書

六品把總王希賢

義首王國柱

勇首林成

勇首施福

該義首等率勇集團。隨軍攻剿。或堵截要路。開挖地道。均能不避艱險。所向有功。實屬最爲出力之員。趙仲

鈺擬請

賞戴藍翎。蔡鴻猷擬請以知縣歸部儘先選用。陳如璧擬請以訓導不論雙單月歸部儘先選用。吳聯輝擬請給五品銜。張春華洪鍾英二員均擬請以訓導歸部儘先選用。並請

賞戴藍翎。呂偉傑擬請以未入流不論雙單月歸部儘先選用。  
范寶書擬請以從九品不論雙單月歸部遇缺卽選。  
并加六品銜。王希賢擬請免補把總以千總留臺儘  
先拔補。並加守備銜。王國柱林成均請給五品銜。並  
請

賞戴藍翎。施福擬請以把總留於臺營拔補並給六品頂戴。  
同治四年二月二十九日奉

上諭丁曰健奏剿滅彰化內山全股踞逆並搜捕逸匪。臺疆一  
律安定。一摺。臺灣踞逆洪樓。自被官軍轟斃後。逆兄偽北王

洪瑤約會萬斗六莊股首洪賴古。遣赴舊社石頭埔番仔田等莊糾匪堅旂。仍前抗拒。經丁曰健督飭官軍。於十一月二十七等日分路進攻。疊破賊壘多座。並催令鄭榮等迅攻牛峙崎賊隘。十二月二十日。經鄭榮等將牛峙崎攻拔。燬其賊壘斃匪無算。其老巢逆取。見要隘已失。驚惶失措。二十一日。官軍轟開地道。奮力猛攻。鎗礮齊施。逆巢塵土蔽空。火光四射。凌定邦等由賊巢前面急進。鄭榮等亦由牛峙崎率帶勇丁首先斬關躍濠而入。李朝安等分股殺進賊匪四散奔逃。各軍奮勇截剿。立斃匪黨甚多。其死於火焚礮擊者。不計其

數復經張世英擊獲僞北王洪璫等。並派員率勇赴萬斗六舊社石頭埔番仔田等莊。共二十八處。會集紳團先後焚燬賊巢。搜獲洪懋古等多名。訊明正法。並掘出首逆洪樓屍身。寸磔梟示。實足以伸天討而快人心。其逃出零星餘犯。仍着丁曰健等督飭各軍嚴加搜捕。以淨根株。丁曰健曾元福均着交部從優議敘。曾玉明着開復降一級調用處分。其在事出力之通判張世英。著免補本班。以同知留於福建。遇缺卽補。並賞加知府銜。賞戴花翎。守備鄭榮。著以遊擊留於福建。儘先補用。並賞加銳勇巴圖魯名號。同知王楠。著留於福建。

遇缺卽補俟補缺後以知府補用先換頂戴守備陳兆麟著以遊擊留於福建儘先補用並賞換花翎知縣白驥良著賞戴花翎通判王修業著免補本班以同知留於福建遇缺卽補縣丞張國楷著留於福建遇缺卽補俟補缺後以知縣卽補並賞加五品銜內閣中書林鳳池著免補中書以同知儘先選用千總劉全著以都司留於福建儘先補用以上四員均著賞戴藍翎千總戴捷春著以守備留於福建儘先補用並賞加都司銜生員孟際滋著以訓導不論雙單月遇缺卽選並賞加五品銜遊擊李朝安著以參將留於福建儘先補

用並賞加副將銜。都司張顯貴著賞換花翎。凌定邦著以遊擊留於福建儘先補用。並賞換花翎。知州劉泳著賞戴花翎。縣丞葉滋著免補縣丞。以知縣留於福建補用。並賞戴藍翎。未入流華廷錫著免補本班。以縣丞留於福建補用。外委張建功等二名均著免補把總。以千總儘先拔補。並賞戴藍翎。候選知府興廉著以海疆煩缺知府留於福建遇缺即補。並賞加道銜。同知鄭元杰著以海疆繁缺知府留於福建補用。知縣白鸞卿業經會元福奏准以同知直隸州知州留於福建遇缺即補。此次著賞戴花翎。知府葉宗元著賞戴花翎。知



縣裘伯玉著遇缺卽補縣丞溫振邦著開缺以知縣留於福建卽補胡培著俟補缺後以知縣留於福建遇缺卽補並賞加五品銜從九品程榮森著免補本班以縣丞留於福建卽補裘伯玉溫振邦胡培程榮森並均賞戴藍翎運同銜趙仲銛著賞戴藍翎舉人蔡鴻猷著以知縣儘先選用貢生陳如璧著以訓導不論雙單月儘先選用吳聯輝著賞給五品銜廩生張春華等二名均著以訓導儘先選用並賞戴藍翎六品銜呂偉傑著以未入流不論雙單月儘先選用童生范寶書著以從九品不論雙單月遇缺卽選並賞加六品銜把總

王希賢著免補把總。以千總留於臺營儘先拔補。並賞加五品銜。國首王國柱等二名。均著賞給五品銜。並賞戴藍翎。勇目施福著以把總留於臺營拔補。並賞給六品頂戴。該部知道。單併發欽此。同日並奉

上諭。丁曰健奏官軍剿滅全股。踞逆並搜捕餘匪。妥辦善後一摺。已明降諭旨宣示。所保各員。均照所請獎勵矣。前據曾元福奏。巨逆洪璜。釋斃。全臺肅清。當經諭令曾元福。丁曰健督兵搜捕餘匪。務絕根株。現在洪璜又被擒獲。匪黨洪慙古等。均就殲戮。是臺灣地方業已安定。著曾元福。丁曰健將善後

一切事宜妥爲籌辦。並將逃散零匪悉數搜擒。以期除惡務盡。永奠民生。漳州賊氛雖挫。尚未就殲。深恐偷渡來臺。勾結爲患。著曾元福。丁曰健。凜遵前旨。實力巡查。妥籌防範。毋稍疎虞。左宗棠。徐宗幹。務當督飭將弁。乘屢勝之威。迅速攻復。漳郡。剿滅匪眾。俾免日久蔓延。將此由五百里諭知左宗棠。徐宗幹。並傳諭曾元福。丁曰健。知之。欽此。

乘勝嚴督各軍分路搜拏。並查辦善後事宜。暨凱旋安集防海情形摺。

奏爲乘勝嚴督各軍分路搜拏巨匪多名。並將善後事宜分

別查辦。暨凱旋抵郡。妥籌防海情形。恭摺馳陳。仰祈

聖鑒事。竊臣親赴彰化內山。督軍剿滅北勢。浦儒北王洪樓等。全股踞送。並搜捕各處逸匪。臺疆一律安定。緣由。業於三年十二月二十七日。繕摺由驛六百里馳

奏在案。維時臣仍嚴督各軍。分路淨殲餘孽。即據同知王楨。都司凌定邦。守備鄭榮。通判王脩業。縣丞張國指。千總劉全。外委張建功等。率同貢生吳聯輝。廖傳威。職貢陳瑞麟。六品軍功洪大舟。各帶勇團。分赴水沙連。溪州。北投。火盆山。及深入龜仔頭。迫近番界之旱園一帶。殲巢搜獲著名

股首莊明德。廖阿螺。及疊與官軍接仗。僞北王洪權之胞兄洪狗。胞姪洪益。洪竈。逆黨洪從洪希洪連等多名。先後解營。經臣提訊。均各供認。或受僞職。屢攻城堡。戕殺官兵。及接仗多次。不諱。當卽分別正法。第查洪族之中。洪權洪瑞固爲元惡巨慝。而臨陣拒敵。克得異常。則以在逃之僞元帥洪花夫婦爲最。當卽逆載萬生。攻陷斗六。疊圍嘉邑。時洪花同其妻李氏騎馬上陣。當先揮殺。莫過兇鋒。人所共憤。續因訪聞該逆潛伏附近萬斗六莊之坪林山頂地。方隨飭王楨鄭榮等率勇約會紳團馳往圍擊。旋又據聞

附近彰化縣城之學田莊多有逆匪潛匿。傳聞陳師亦在其內。臣卽於本年正月十六日由內山拔隊移駐彰城。派令署彰化縣知縣張世英會集各莊紳士民團合力剿捕。復聞內地漳郡踞匪現因大兵雲集卽可剿平。更恐不法臺勇勾結偷渡致生他變。因思彰化縣所轄之鹿港地方乃臺地最要口岸。相離彰城較近。隨又親赴巡查嚴飭鹿港同知興廉會同該處水師營員督率紳團兵役認真稽查加意防範。旋即回彰。據義首生員梁炳光解送拏獲從逆抗官之匪黨梁欽。又據張世英遣派丁役購獲在逃股

首楊聘解營先後訊明處決。並據王楨鄭榮稟報。洪花潛  
匿在坪林山頂竹園之內。經該員等會合在籍都司林廷  
棟外委林成功。職員何春林。義首林瑞麟等。疊次圍捕。該  
逆竟率死黨抗拒。迨經我軍施放火箭。焚燒逆屋。該逆奔  
出。被我軍用鎗刺斃。割取首級。其妻李氏。逃赴萬平六山  
後。併經我軍追獲。亦因身受銳傷甚重。梟取首級。先後解  
驗。當即傳示被擾地方。以昭炯戒。而學田莊潛伏逆匪。屢  
據張世英稟報。督同舉人蔡鴻猷訓導楊清珠。候選縣丞  
張世鏞。守備葉保國。義首屠炳星等。分路夾攻。該逆等抵

死拒守。嗣經我軍堵截。要隘乘夜攻殺。破其竹圍。拏獲匪黨陳貓通楊狗仔何有榮。陳水源。陳傳宗。廖石螺。洪中瑛。洪大頭。翹等八名。餘皆四散奔逃。通因黑夜未及窮追。經張世英訊據陳貓通等僉供。因馬奔潭敗後。逃赴北勢浦。依附洪機。今因洪渠復被官軍剿燬。竄匿學田莊內。詰以陳鯨下落。據供陳鯨自官軍攻破馬奔潭。受傷後。隻身逃逸。委屬不知去向等語。當於訊明後。即將各該犯正法。又據署嘉義縣知縣白鸞卿稟報。會同管員督率紳團。續獲股首羅務等。及匪黨曾輪等。共一十六名。先後訊明斬決。



開送供摺到。臣伏查臣此次督軍剿滅踞逆。續又分兵搜拏逸匪。歷時五月之久。雖不敢稍遺餘力。惟陳鯨自馬莚潭逆巢前被官軍擊破。該逆受傷後。乃身逃竄。訪無確踪。其餘星散逃逆。亦已力盡勢窮。無復黨與。四處逃匿。並無定向。以目前情形而論。似未便屯兵待捕。糜費餉需。現已嚴飭該管文武。購線查拏。務期必獲。至臺北被匪各處。民多蕩析離居。前於克復彰斗後。業已先後招撫來歸。田園墾復。生計漸舒。其內山一帶。失業窮黎。現當洪逆既滅。亦已次第歸莊。茲又出示招撫。並令乘此春雨及時。開圳墾

糧均可備。此。外。警。備。未。盡。事。官。仍。替。餉。該。地。方。文。武。隨。時。要。辦。毋。致。懈。忽。其。應。查。抄。入。官。之。旗。產。並。照。成。案。飭。府。查。辦。及。現。應。如。何。開。設。屯。田。亦。令。一。併。妥。協。籌。議。辦。理。隨。於。正。月。二。十。八。日。起。程。回。郡。路。經。彰。化。嘉。義。等。縣。所。轄。之。大。埔。心。及。他。里。露。各。莊。據。義。首。生。員。利。秉。淵。獲。送。逆。黨。張。阿。七。又。據。署。斗。六。都。司。許。炳。署。縣。丞。程。榮。森。獲。解。在。逃。股。首。林。番。薯。匪。黨。李。清。水。均。經。先。後。訊。明。正。法。察。看。沿。途。民。情。尚。屬。安。謐。早。禾。間。有。播。種。地。瓜。雜。糧。亦。甚。暢。茂。惟。嘉。義。縣。近。南。一。帶。每。有。匪。徒。搶。劫。行。旅。併。經。嚴。飭。該。管。營。縣。

及在籍候選同知劉達元。吳敦禮等。認真聯莊督率役勇團丁。隨時拏辦。臣卽於二月初二日抵郡。現在清釐積欠勇糧。並將各勇分別裁撤。暨將湊借餉項另行稟請籌撥歸還。及酌留精勇。妥籌巡防海口。以遏竄匪。而固地方。庶期仰慰

聖主睎懷海外。保又黎元之至意。所有從臣乘勝嚴督各軍。分路搜拏巨匪多名。並將善後事宜。分別查辦。暨凱旋抵郡。妥籌防海情形。理合繕摺由驛四百里馳

奏伏乞

皇太后

聖上聖鑒訓示謹

奏

潛回股首嚴辦勾結搶匪滋事片

再正在拜摺間准據嘉義營縣及該處紳團先後移稟在逃潛回股首嚴辦勾結搶匪滋事剿辦情形並據在籍候選同知劉達元吳敦禮等稟報會合營縣及各莊紳團人等與賊接仗乃竟拚死抗拒旋經我軍奮力擊敗陣斬股首嚴辦梟取首級連同生擒匪黨石文等十一名解送驗

訊。又准據署嘉義營參將徐榮生署知縣白鸞卿移稟同  
時會剿拏獲股匪嚴猪母匪犯蕭赤等四名。並聲明該縣  
團練局紳士候選同知王朝輔。候選訓導陳熙年。在籍剿  
將白瑛等。集傳助剿擒獲匪黨郭牛港等三名。解縣訊辦  
各等由。到臣。伏查股首嚴辦。當戴萬生分股圍攻嘉義。該  
逆卽受僞元帥之職。糾黨響應。旋又攻撲斗六。窺伺府城。  
騎馬張蓋。拒敵官軍。經前道臣洪毓琛。屢於奏報。彰化逆  
匪滋事。籌辦情形各摺內。據實陳明在案。是該逆屢辦實  
爲嘉義中路渠魁。先因開拏遠逸。致未成擒。今竟逃回暗

結搶劫行旅之匪徒。假裝官兵。混入嘉轄之水塘頭莊。焚搶擄殺。圖復還。惟該處搶匪先經臣飭令該管文武暨紳團人等聯莊拏辦。續又訪聞嚴辦勾結滋事。併經飭令上緊剿捕。暨移由界鎮臣曾元福派隊前往會剿去後。竊據該紳團暨該管營縣先後具報。剿匪獲勝。陣斬嚴辦。割取首級。及獲匪黨多名。分別解送前來。經臣將嚴辦首級驗明。飭令傳示被擾地方。並提現解匪犯石文吳。趙番賴瓊李德。詹近黃漢。詹吉林勝。吳番龐富。詹瑞記等十一名。隔別研訊。均各供認。或前曾從逆與嚴辦等。攻陷城堡。今

復潛助滋事。或曾攔劫行旅。聽糾入夥。焚搶拒敵。不諱。當  
卽分別正法。除再嚴飭該管地方文武。暨紳團人等嚴拏  
逃匪。並飭該縣迅提股匪嚴堵。毋等確訊。詳辦。仍飭查此  
次斬獲股首嚴辦等。究係何員。最爲出力。及詳細攻剿情  
形。另行會同署鎮。臣曾元福核辦外。理合先行附片陳明。伏乞

皇太后

皇上聖鑒訓示謹

奏

同治四年四月十一日奉

上諭前因丁曰健奏剿滅彰化賊匪。全臺一律安定。當經諭令  
丁曰健曾元福督飭各軍。將餘匪嚴加搜捕。茲據丁曰健奏  
稱嚴督各軍。分路搜拏巨匪多名。現擬辦善後事宜。一摺。臺  
灣彰化逆匪。自倡亂以來。迭經丁曰健等督飭官軍。盡力掃  
蕩。此次復擒斬積年悍逆洪花夫婦等。肅清全境。尚屬著有  
微勞。二品頂戴。按察使銜。臺灣道丁曰健著再加恩賞加布  
政使銜。署臺灣鎮總兵曾元福。督率兵勇所向克捷。著賞加  
提督銜。曾玉明前在臺灣督軍剿匪。迭獲勝仗。並著交部從  
優議敘。以示鼓勵。該部知道。欽此。同日又奉



上諭丁曰健奏督軍搜拏巨匪。並查辦善後。妥籌防海。及擒獲  
嘉義逆首等犯。正法各摺片。本日已明降諭旨。將丁曰健等  
加恩獎勵矣。臺灣彰化內山匪黨。前經丁曰健督軍剿辦。將  
洪欉等股踞逆悉數殲除。臺灣一律安定。現復嚴督各軍。分  
路搜剿。將著名股首莊明德。廖阿螺。及洪欉之胞兄洪狗等  
擒獲。其潛匿坪林山頂之悍賊洪花。亦經官軍用鎗刺斃。其  
妻李氏。身受銃傷。均梟取首級示眾。復將學田莊等賊巢攻  
破。獲匪多名。並擒獲羅務等匪黨。均先後訊明正法。嘉義匪  
首嚴辦。亦經曾元福派隊殲斃。獲黨多名。剿辦尚屬認真。著

曾元福丁曰健查明所獲要犯洪狗洪花等。是否的係正身。不得稍涉含混。致令漏網潛逃。復生他變。其在逃之要犯陳鯨及零散餘匪。並著督飭地方文武員弁團勇。分路搜擊。以期淨絕根株。永弭後患。一切善後事宜。著一併妥爲籌辦。據丁曰健奏稱賊黨四處逃匿。未便屯兵糜餉。自應量爲裁撤。卽著斟酌情形。隨時遣撤。仍酌留兵勇。將潛匿之匪。實力搜捕。以期淨盡。漳州賊匪未平。深恐勾結渡臺。爲入海之計。著曾元福丁曰健仍遵前旨。於海口要隘。妥籌防範。毋令攔入臺地。所有斬獲嘉義股首嚴辦等。出力人員。著曾元福等查

明保奏毋許冒濫欽此。

剿滅嘉義二重溝逆巢並會同籌辦防海事宜摺

奏爲官軍剿滅嘉義二重溝逆巢。截獲投誠復叛巨匪呂梓。並會同籌辦防海事宜。全臺水陸地方。均各靜謐。恭摺馳陳仰祈

聖鑒事。竊查前飭嘉義管縣紳團人等。會同剿捕陣斬在逃潛回勾結滋事之股首嚴辦。並獲解匪黨多名。分別訊辦。經臣丁曰健於本年二月十三日。附片具

奏。並將飭拏逃匪暨飭縣迅提同時拏獲股匪嚴猪母等。確

訊詳辦一併陳明在案。旋據署嘉義縣知縣白鸞卿稟報。提訊嚴猪母等七犯。暨續獲朱德等二犯。均各供認從逆屬實。卽行就地正法。其餘逃匪。悉已磨聚二重溝。先經投誠之股匪呂梓巢內。結爲死黨。欲圖復叛等情。臣等查呂梓一犯。本係著名巨惡。當逆首戴萬生倡亂之時。曾受僞封總制大元帥。卽在二重溝糾黨響應。同抗官軍。旋因在地紳耆。請令擊犯。續罪。經前護水師提督臣吳鴻源。與在事文武熟商。姑貸一死。使各路匪黨。自相掎角。易以殄滅。稟經撫臣前於奏報臺灣官軍剿平南路逆壘。摺內聲明。

在案。乃該逆茲又故智復萌。此次嚴辦潛回勾結滋事。先  
竟陰與合謀。迨嚴辦就職。復恃壘固巢堅。聚集餘黨。冀圖  
死灰復燃。當經嚴飭署嘉義營參將徐榮生。署知縣白鸞  
卿。暨派赴會剿之署臺灣左營遊擊陳朝忠。擬保遊擊曾  
登貴。候補知縣白驥良等。激勵兵勇。迅爲剿滅。疊據具報。  
該逆呂梓復結連大崙頂塗溝。下塗溝。後厝仔埔心等莊。  
豎旗拒敵。而沿海摸仔脚一帶。亦有匪徒互相附和。經該  
文武會同籌商。於二月二十二、二十四、二十六、二十九、三  
月初二等日。各率兵勇。分路攻剿。該逆先猶率黨死拒。甚

至暗襲。包抄。續經施放連環鎗礮。奮力猛擊。先後攻克頂塗溝。後廊仔兩處逆巢。斃匪多名。呂梓亦受銃傷。我軍併有傷亡。參將徐榮生。因竭力窮追。復被鎗子貫傷右腿。雖猶奮勇督戰。然大畚埔心下塗溝等莊未下。仍有犄角之勢。且二重溝竹園濠溝堅厚深闊。兼之莊外安放大礮。遍插竹籤守禦極嚴。必須厚集兵力。並運廣礮轟擊。方能得手。且該巢又係附近海口。既難保不竄逃內地。依附漳逆。又恐漳逆被剿窮蹙。遣黨來臺勾結。致生他變。此時籌防海口。尤應益加慎密。所有臺屬最要之鹿港口岸。前經臣

丁曰健親往巡查。嚴飭該管文武督率紳團兵役認真稽  
查防範。而附郡之鹿耳門及鳳山縣所轄之旂後各口俱  
與漳州廈門對峙。更爲吃重。併經臣等熟商先後派撥兵  
勇。擇要嚴防。暨由臺防同知葉宗元調派屯丁實力堵禦。  
臣等亦不時親往巡查。毋致疎懈。此外淡水噶瑪蘭澎湖  
各口均經飭令各該管文武加意籌防。其附近二重溝逆  
巢之布袋嘴等處。雖係偏僻小口。但該逆均可由此竄逸。  
續復密令該處紳團實力堵截。一面由郡派委署安平協  
副將陳啓祥候補知府凌定國管運廣破率帶兵勇前往。

助剿據報於三月十七日。陳啓祥在大窟尾紮營。該逆呂梓擁眾撲犯。卽經開礮擊退。但二重溝逆壘甚堅。且有下塗溝大崙埔心各莊互相援應。若非先扼其吭。斷難制其死命。旋又飭調凌定國舊部彰化勁勇。飭由都司張顯貴義首楊金簡等督率到地。逼近賊巢。扼要屯紮。三月二十九日。正在趕築礮臺。該逆復又率黨衝突。經張顯貴暨前閩安右營都司游紹芳率勇禦之。斃匪無算。陳啓祥親放礮擊其後隊。賊眾披靡。遂於四月初一日早晨將下塗溝逆壘乘勝攻克。陳啓祥凌定國等復率張顯貴游紹芳



白驥良等進剿二重溝逆巢。並令儘先千總黃作舟。千總陳建勲。帶隊夾攻。又派候選知縣張仁勇等。由東北逼攻大崙莊。署叅將徐榮生。亦派兵勇練丁。由西路直擊埔心莊。署知縣白鸞卿等。率紳士王朝輔等。帶勇齊出助剿。該逆拚死堅抗。施放鎗礮。子密如雨。我軍爭奮環攻。愈急。初二日丑刻。該逆巢內。人聲鼎沸。有欲突圍而逸之勢。陳啓祥遂當先斬關猛進。匪眾紛竄。陣斬偽女帥王太媽。生擒偽軍師呂對等多名。並殺斃匪黨二百餘名。暨搜獲偽印旂幟多件。其大崙埔心兩莊。亦同時攻毀。提訊生擒賊供。

該逆呂梓是夜由溝底潛伏而逃。復經臣等飛飭在事文武跟踪追捕。適臺灣府知府陳懋烈前赴嘉彰一帶查辦善後。業內叛產等事。並經臣等授以機宜。飭令督率務獲。一面密飭嚴堵海口。不使逃逸。旋據陳懋烈稟報。四月初九日。行抵嘉義茅港尾地方。探悉呂梓逃至布袋嘴。希圖偷渡漳郡。依附髮逆。隨經諭令該處紳士蔡如璋等。確探堵截。並飭署知縣白鸞卿會同游紹芳。及督令紳士陳熙年。義首蔡圖南等。圍擊。於十二日。將呂梓獲解到案。經該府提訊。據供投誠後。續因漳州髮逆猖獗。意將竄擾臺灣。

遂與嚴辦糾集匪黨。並約會搶匪滋事。嗣嚴辦等被官軍斬獲。復又招集餘黨。並結連大崙等莊。堅旂拒敵。巢破之日。該犯隻身逃赴布袋嘴海口。希圖潛渡赴漳。依附變逆。不諱。當於訊明後。凌遲處死。惟該逆呂梓被刺竄逸。在事文武紳團。乃能奮力堵截圍擊。不使遁逃入海。別滋他患。而此外彰化零星逸匪。並據署彰化縣知縣張世英稟報。先後購獲洪濶嘴、洪芒冬、林乞食、簡番薯、何海濶等五名。訊明正法。漏網游魂。亦不能終免青鎖。現在全臺水陸地方。均各靜謐。堪以上慰。

聖懷除將攻剿呂梓出力員弁紳團及傷亡兵勇人等容俟臣等查明另行分別彙案核辦外理合會同恭摺由驛四百里馳

奏伏乞

皇太后

皇上聖鑒訓示再臺地邇來民情安堵士子望考甚殷所有本年歲試臣丁曰健已飭照常舉辦合併陳明謹奏

同治四年閏五月十九日奉

殊批辦理尚屬認真。仍著飭令在事文武紳團搜捕餘匪。以期盡絕根株。海口要隘處所尤須清查奸宄。毋令與髮逆勾結。欽此。

量獎人員由督憲核

奏

同治四年五月十八日奉

上諭左宗棠徐宗幹奏遵旨查明臺灣剿匪出力之官紳等分別開單請獎一摺。同治元年二月間臺灣逆匪攻陷彰化等處。經各官紳等嚴慎同仇。奮勇鏖鏖。將彰化縣城反撲不獲。

處先後克復生擒首逆戴萬生等地方賴以安定尚屬著有  
微勞。自應量予恩施。以昭激勸。在事尤為出力之調補嘉義  
縣知縣降補府經歷縣丞黃文奎著開復原官。以知縣留於  
福建補用。並免繳捐復銀兩。縣丞蕭殿元著不論雙單月遇  
缺即選。軍功陳鼎著賞加五品銜未入流任玉材著俟補缺  
後以縣丞留於福建即補。謝端申著俟到省後遇缺即補。並  
賞加六品頂帶。余文海著俟到省後免補本班。以縣丞補用。  
從九品龐廷才著免選本班。以縣丞選用。候選道曾雲峰著  
以道員本班遇缺即選。並賞換花翎。郎中曾雲登著以知府

遇缺即選。並賞戴藍翎。千總徐毓恒。著以都司即補。並賞戴藍翎。都司駱祝福。其二員。均著免補都司本班。以遊擊補用。守備蘇慶蕃等二員。均著免補守備。以都司留於福建儘先補用。千總會際昌。著以守備留於福建儘先補用。周鳳翔等二員。均著免補千總本班。以守備儘先補用。莊鴻禧著以千總分標儘先補用。並賞加守備銜。沈光耀等二員。均著以守備儘先補用。石廷鳳等六員。均著免補千總本班。以守備留營補用。把總林彰等四員。均著免補把總。以千總儘先拔補。屯把總劉尊賢。著以千總補用。並賞戴藍翎。屯外委李謙和。

等三員。均著以把總即補。並賞戴藍翎。都司李準芳著賞換花翎。千總張輔軍著免補千總。以守備即補。已革守備黃炳南著開復守備原官。已革千總翁占春著開復千總原官。留營補用。均免繳捐復銀兩。守備曾捷春等二員。均著以守備儘先即補。千總何永忠等六員。均著免補千總。以守備儘先即補。何永忠並賞加都司銜。林芳等六員。均著免補千總。以守備補用。外委鄭連科著以千總儘先補用。千總洪國泰等二員。均著賞加守備銜。把總林其中等三員。均著以守備拔補。邱連勳等三員。均著以千總拔補。並賞加守備銜。外



委張榮貴著以把總拔補。並賞給六品翎頂。武生張清華著以千總儘先拔補。即補道林會圖等二員。均著賞戴藍翎。通判王成瑞等二員。均著遇缺即選。知縣顧廷棟著以本班不論雙單月選用。縣丞葉紫來著以本班儘先補用。程森著俟補缺後以應升之缺升用。馮雲卿著以縣丞儘先補用。訓導陳宗慶著遇缺儘先選用。舉人簡化成等二名。均著以直隸州州同。不論雙單月選用。並賞戴藍翎。貢生張雲龍等三名。均著以州同選用。生員邱萃英等二十六名。均著以訓導選用。監生金國棟等五名。均著賞給六品銜。莊其爵等三名。均

著以從九品選用。布政司經歷銜王邦輝著以布政司經歷  
選用。按察司照磨銜吳增著實加六品銜。從九品銜王啓文  
等六名均著以從九品不論雙單月選用。生員丁志健著以  
訓導不論雙單月選用。並賞加五品銜。陳目季湧等四名均  
著以把總歸於江蘇水師營補用。並賞給六品頂翎。義勇廖  
廷鳳等三名均著以把總歸於福建水師營拔補。鄭尚義等  
五名均著以外委留於臺灣拔補。以上十名並賞加六品頂  
翎。書識范逢安等三名均著以從九品不論雙單月選用。職  
員鄭如梁著實換花翎。鄭應璠著實戴花翎。前將樂縣知縣

區俊著開復原官。留於福建補用。並免繳捐復銀兩。縣丞邵志緯著俟服闋到省補缺後。以知縣補用。熊明著免補本班。以知縣即補。鹽大使區兆葵著賞加五品銜。廣東鹽大使鄭紹宗著俟到省後。遇有本班缺出。不論班次。即行補用。候補府照磨沈廷瑞著免補本班。以府經歷丞留於福建遇缺即補。州判吳先藻著免選州判。以州同不論雙單月選用。縣丞李之壇著以縣丞留於福建儘先補用。從九品顧德廉著以從九品留於福建補用。雙月從九品吳似徐著以從九品不論雙單月儘先選用。未入流鄭如本著以未入流儘先即選。

雙月選用未入流李煥宸著以未入流不論雙單月儘先選用。按察司照磨陳家麟著免補照磨以縣丞留於福建補用。州吏目毓敏著以州吏目不論雙單月儘先選用。主簿顧紹宗著免選主簿以縣丞不論雙單月選用。未入流沈紹昌等二員著遇有未入流缺出儘先即補。都司普超著免補都司以遊擊儘先補用。守備陳開輝著以都司留於福建儘先補用。守備林振英著以守備留於福建儘先補用。都司銜林用鋒著以守備留於福建補用。千總陳維超等二員均著以守備留於臺灣補用。千總張得龍洪金元均著以守備儘先升

用洪金元並先換頂戴。把總黃大升等二員。均著以千總儘先拔補。把總李廷琛著免補把總。以千總補用。外委林炳祥著以把總儘先拔補。五品銜主事陳維英著賞戴花翎。中書莊正著賞加五品銜。通判陳尚惠著俟補缺後以同知補用。並賞戴藍翎。通判沈贊清著免選通判。以同知不論雙單月選用。同知銜翁林萃著以州同選用。並賞戴藍翎。同知銜胡珠光等四員。均著賞給運同銜。縣丞胡湘蘭等十一員。均著賞給知州銜。府經歷銜章樹滋著賞加五品頂戴。署訓導李聯芳著以教諭儘先補用。並賞加五品銜。布政司經歷何炳

森著俟到廣東後。以本班儘先補用。並賞加五品銜。光祿寺署正銜何祥瑞等八員。均著賞給知州銜。從九品銜查佺等三員。均著以從九品選用。教諭彭廷選。著以教授。不論雙單月遇缺即選。並賞加五品銜。教諭陳緝熙。著以教諭。遇缺即選。並賞戴藍翎。訓導葉清華。著以教諭。不論雙單月遇缺即補。並賞加六品銜。都司銜朱光地等二員。均著賞加遊擊銜。千總銜鄭瞻南。著賞加守備銜。五品翎頂林元龍。著以守備。留於福建補用。軍功仰星柄。著以縣丞。不論雙單月即選。並賞加五品銜。七品銜余寵。著以從九品儘先選用。訓導葉呈

芳著賞加同知銜。薛如芬著以訓導儘先即補。舉人黃延祚等二名。均著以教諭遇缺即選。貢生蔡學禮等九員。均著以訓導即選。生員鄭人俊等五員。均著以訓導選用。監生胡清蘭等八名。均著以從九品選用。書識杜名高等三名。均著以未入流選用。義勇林嗣福等二名。均著賞給六品翎頂。兵丁徐連升等四名。均著以外委留營補用。並賞給六品翎頂。知縣王衢著以同知補用。並賞戴藍翎。同知胡繼芬著賞加知府銜。楊汝器等三員。均著遇缺即補。通判湯興邦著俟到省後。以同知即補。並賞戴藍翎。張啓燧著賞戴藍翎。史濟臣著

歸候補班前遇缺先用。潘承烈著。不論雙單月即選。陳兆琮著。歸候補班遇缺即補。胡益源著。俟補缺後以同知直隸州仍留福建補用。知縣馬慶劍著。以同知儘先補用。程廷耀等二員均著留於福建補用。縣丞范鼎亨著。以知縣遇缺即補。府經歷董榮綸著。以布政司經歷仍留福建儘先補用。縣丞徐星緯等三員均著俟補缺後以知縣補用。章德蔭等二員均著以本班留於福建儘先補用。吳榮森著。俟到廣東補缺後以知縣補用。楊建春等二員均著俟補缺後以知縣升用。史廷棟等二員均著以鹽課大使留於福建補用。布政司經



歷王兆鴻著以本班儘先即補府稅課大使。余萱等二員均著以府經歷縣丞補用。從九品董松齡著免補本班以縣丞留於福建即補。巡檢陳灝著以府經歷縣丞儘先補用。教諭蔡修五著賞加五品銜。訓導莊志正著以教諭儘先選用。署嘉義縣教諭高卓芳著以訓導儘先選用。從九品卜孔諧著俟補缺後以應升之缺升用。王希惠著儘先補用。周聲可等二員均著不論雙單月即選。已革參將薛師儀著開復原官。留於福建補用。並免繳捐復銀兩。署遊擊陳宗凱著以遊擊補用。並賞戴藍翎。遊擊周逢時。徐步雲均著以參將儘先升

用都司蘇吉良。著以遊擊儘先補用。並賞換花翎。都司李懋德等三員。均著賞戴藍翎。馬志亨著留於福建。即補。張聯奎著免補都司。以遊擊升用。陳世英著賞換花翎。守備王有陞著仍歸山東。遇缺即補。遊擊林鵬程著免補本班。以叅將即補。都司周夢渭著以遊擊儘先補用。先換頂戴。捐職都司蔡毓奇著以守備儘先補用。守備林舜英等三員均著免補本班。以都司升用。先換頂戴。鄭嗣林等二員均著以守備儘先補用。並賞加都司銜。已革千總楊恩等二員均著開復原官。留營補用。千總龔朝俊著免補守備。以都司即補。林青芳等

八員均著以守備儘先補用。內趙品著賞戴藍翎。把總吳朝華等三員均著免升千總。以守備銜外。以上龔朝俊等十一員均著先換頂戴。外委柯必從著免升把總。以千總儘先拔補。千總姚珠寶等四員均著以守備補用。並賞戴藍翎。王喜國等二員均著以守備升用。先換頂戴。史致元等二員均著以守備即補。楊世勲著賞加守備銜。把總徐獻猷著以守備即補。千總李鴻高等五員均著免補千總。以守備儘先補用。把總吳騰起等五員均著免補把總。以千總儘先拔補。內蘇錫陞著賞加五品頂戴。外委林國華著以把總拔補。並賞加

五品頂戴訓導陳熙年著以教諭儘先選用並賞加四品頂戴知縣謝延庚著以本班歸江蘇儘先補用陝西縣丞黃承珩著留於福建儘先補用縣丞張雯著賞戴藍翎鹽課大使王秉筠著儘先選用縣丞潘思賢等三員均著賞加同知銜吳煥章著改武職以千總留於臺灣儘先補用並賞加守備銜許安邦等三員均著加運同銜布政司理問銜高得宜等二員均著賞加知州銜州同黃秀南著不論雙單月選用按察司照磨高玉潤等二員均著賞給州同銜縣丞王源瀛等三員均著不論雙單月卽選同知劉達元著以知府選用守

備吳志高著賞加遊擊銜。同知黃應先等二員均著俟到廣東補缺後以知府補用。黃應先並賞戴花翎。鄭如椿並先換頂戴。訓導蔡錫熙著賞給州同銜。同知吳敦禮等三員均著賞戴藍翎。陳超英著賞加運同銜。教諭林奉璋著賞加五品銜。訓導孫翼隆等三員均著以教諭不論班次遇缺卽選。並賞加五品銜。貢生徐業成等十三名均著以訓導選用。從九品林若澄著不論雙單月卽選。都司銜陳尚清著以守備留於福建補用。貢生張登鰲著以教諭不論雙單月卽選。蔡如璋等六名均著以訓導不論雙單月選用。縣丞王國秉著不

論雙單月卽選訓導鍾召棠著以知縣選用武舉劉華雲著賞給四品頂戴並賞戴藍翎貢生林濬哲著賞給州同銜監生施向榮等三名均著賞給布政司理問銜義勇高麗金等六名均著以從九品選用義首楊春等二名均著賞換花翎何邦謨等三名均著以千總留於臺灣拔補千總林鳳翹著以守備補用義勇郭若輝等三名均著以把總儘先補用並賞加守備銜從九品黃繩芳著以主簿卽選汪宗瀚著賞加布政司理問銜王鶴崑著以本班留於福建遇缺卽補吳美著以縣丞儘先卽選從九品銜葉丹等二員均著以從九品

選用未入流黃時衡等二員。均著以本班儘先選用生員黃遠材著以訓導選用。監生施至誠等十一名。均著賞給州同銜。從九品蔡德潛等二十二員。均著以從九品選用。監生何朝義等三名。均賞給五品頂戴軍功。游如松等八名。均著賞給守備銜。府經歷戴成鈞等三名。均著賞給五品頂戴軍功。余慶餘等二名。均著以從九品選用。義勇施九挺著以千總留於臺灣補用。並賞戴藍翎。林有才等二名。均著以把總留於臺灣補用。並賞給六品翎頂。另片奏請將總兵曾玉明等獎勵道員林占梅。請另調引見各等語。除會玉明曾元福丁

曰健業經給獎外。知府陳懋烈著以道員留於福建補用。並  
賞戴花翎。補用道區天民著賞加按察使銜。延平府知府馬  
樞輝著開缺以道員留於福建補用。浙江補用道林占梅著  
吏部調取引見。又另片奏查明剿匪出力人員。請仍照原請  
分別獎敘等語。主事周懋琦著仍照曾元福等擬免選主事。  
留於福建免補直隸州知州。以知府候補。並仍賞戴花翎。五  
品銜范義庭著仍照所請獎勵。該部知道。單三件。片三件。併  
發欽此。

統軍到彰督剿餘匪摺



奏爲統軍到彰督剿餘匪獲勝。並探聞內地漳郡不守。移商鎮臣迅速折回。妥籌防範。以重地方。恭摺馳陳。仰祈

聖鑒事。竊臣先因彰化餘匪續獲未淨。欽奉前奉

諭旨親往督剿。業於本年九月初六日。會同署鎮臣曾元福繕摺具

奏。並將商留署鎮臣曾元福暫駐郡垣。另行察看情形辦理。據實陳明在案。臣拜摺後。於九月初十日。酌帶文武員弁。統率各勇由郡起身。於十一日行至嘉義縣地方。卽經督飭署嘉義縣知縣白鸞卿。拏獲在逃匪黨廖鰲。張水滔。葉

懸羅阮等四名解送到營訊據供認會經從逆攻城劫營及與官兵接仗多次不諱當將各該犯分別正法卽於次日拔隊前行至十三日始抵彰化縣所轄之寶斗地方該處與北投馬葬潭各匪莊相離較近且與縣城聲勢亦甚聯絡洵屬適中扼要之區遂卽紮營就近督剿探悉北投之逃逆洪樣仍踞北勢浦老巢旣恃山路崎嶇有險可守且與番界連壤更可作竄逃之路其揀東馬葬潭之逃匪陳鯨亦踞堅巢暗結醜類冀與北勢浦互相援應當卽督飭彰化在事文武並添派隨營員弁各帶兵勇分路進攻

倘能先拔一巢即可杜其牽制。旋據署彰化縣知縣張世英。疊次稟報。會同署北路營都司張顯貴。署貓霧揀巡檢張載熙。暨隨營委員候補知縣白驥良。縣丞張國楷等。親率勇丁。於九月十九二十二十一等日。屢攻馬溝潭逆巢。該逆始尚抵死拒守。繼因我軍用礮轟倒。該逆銃櫃數座。竹圍兩座。遂各紛紛逃竄。我軍追殺甚多。並聞陳錦棠已負傷逃逸等情。當飭上緊跟剿。不留餘孽。卽據隨營職員黃進安。暨該處紳局職員黃邦彥。生員蕭體中等。先後拏獲逃匪吳達。張天來。蕭文曲等三名。稟解來營。訊認供受。

偽職圍城攻莊不計次數。續因聞卒逃匿內山馬奔潭。現在復被官軍圍攻甚急。竄出被獲。並詰據供稱陳錦亦已脫逃。不知去向。當卽就於軍前正法。又據署淡水同知鄭元杰稟報。督率紳團拏獲在逃偽先鋒吳幅生。卽吳伏生。及逆黨劉路生徐阿鼎等三名。並起獲戴逆偽札一紙。訊係從逆結會。疊攻城堡屬實。當卽就地處決。開具供摺暨將偽札繳送到臣。而派赴進攻北勢涌之隨營四品軍功范義庭。亦據先後稟報。會同署副將李朝安。署南投縣丞葉滋。隨營千總劉全。暨續派隨營委員候補同知王楨守。

備鄭榮等各率兵勇。約會紳團。於九月二十三二十八十月  
月初一初三等日。進攻洪橫逆巢。連用大礮轟擊。斃匪多  
名。並施放火箭。焚燒逆屋數間。雖已獲勝。但該逆亦在深  
濠竹園之內。開放鎗礮拒敵。我軍間有受傷。且因路險巢  
深。未能迫入。一時尚難猝拔等情。自須添派員弁勇丁。另  
尋間道。斷絕糧援。暗襲明攻。方能迅拔根株。悉除羣醜。惟  
臣行抵寶斗後。於九月十八十九等日。風聞內地漳郡失  
守。是否匪徒造謠生事。正在偵查確訪間。適據鹿港同知  
興廉。以現有內地商艘抵臺。探聞漳郡已於九月十四日

突遭髮逆窺陷。請飭嚴防海口。密稟前來。竊以臺灣民鮮  
土著。半係籍隸漳泉。警信一傳。未免惶惑。雖彰化餘匪經  
臣督軍進剿。不致復肆鴟張。第漳州所轄口岸。均可對渡  
臺口。倘或該逆被剿窮蹙。既難保不偷渡來臺。勾結擾害。  
况查咸豐三年間。小刀會匪滋事。窺陷漳州府城。臺地匪  
徒竟至聞風響應。豎旗分類之案。層見疊出。前車可鑒。更  
宜先事預防。當卽密函飛飭臺灣府陳懋烈。會同文武嚴  
密籌防。卽據稟覆署鎮臣曾元福。已於九月二十日。繼赴  
彰化辦理搜捕。忽聞漳郡警信。隨由該府函請暫留嘉義。

縣所轄之茅港尾地方。以資鎮定等由。伏思郡地爲根本要區。現當內地有事之秋。既虞外匪竄擾。又恐內寇復熾。鎮臣似難遠離。自應移商迅速折回。妥籌防範。並飭各屬水陸兼防。勿稍疎懈。仍由臣督飭文武員弁。激勵兵勇。迅將在逃餘匪。上緊剿除。暨將善後事宜。妥協籌辦。俾淨妖氛。而安黎庶。以期仰慰

聖主眷顧東南之至意。除稟督撫。臣并移署鎮臣曾元福查照外。合將微臣統軍到彰。督剿獲勝。并移商鎮臣迅速折回。妥籌防範各緣由。謹繕摺由驛四百里馳。

奏伏乞

皇太后

皇上聖鑒訓示謹

奏

同治三年十二月二十七日奉

旨知道了著卽督飭在事文武將洪橫陳鯨等逆巢穴迅速攻  
拔殲除羣醜仍嚴防漳郡逆匪勿令偷渡勾結並移知曾元  
福暫行折回妥籌防範毋稍疎懈欽此

賞加布政使銜謝



恩摺

奏爲恭謝

天恩並陳感激下忱仰祈

聖鑒事竊臣於本年五月二十日接奉軍機大臣字寄。日月十一日。內閣奉

上諭前因丁曰健奏剿滅彰化賊匪。全臺一律安定。當經諭令丁曰健會元福督飭各軍。將餘匪嚴加搜捕。茲據丁曰健奏稱。嚴督各軍。分路搜拏。巨匪多名。現擬辦善後事宜。一摺。臺灣彰化逆匪。自倡亂以來。疊經丁曰健等督飭官軍盡力掃

蕩。此次復擒斬積年悍逆洪花夫婦等。肅清全境。尚屬著有微勞。二品頂戴按察使銜。臺灣道丁曰健。著再加恩賞加布政使銜等因。欽此。當卽恭設香案。望

闕叩頭謝

恩。伏念臣庸材薄植。遭際

盛時。由順天舉人。於道光年間。揀發福建知縣。疊辦軍務。保升同知直隸州。並加知府銜。

賞戴花翎。於克復汀州案內。奉

上諭。著以道員留閩。遇缺卽補。奉委署理福建糧道藩司篆務。

嗣奉撫臣奏委赴臺辦理軍務。適先時患病請假。續又染受暑疫。醫治甫痊。正在整軍配渡。仰荷

特恩補授臺灣道員缺。並蒙

賞加按察使銜。旋因抵臺克復彰斗生擒首逆。南北兩路均就肅清。復選

優錫二品頂戴。茲以擒斬積年悍逆。更沐

溫綸晉予布政使銜。感

異數之頻頒。實涓埃之莫報。况臣謬膺軍旅。未請輶鈴。自率偏師進剿。臺匪一切軍情入

告均蒙

皇上詳加批答

縷示機宜。是以得秉

聖謨。兼資羣策。幸收寸效。渥荷

隆施。中夜以思。慚惶彌切。現在全臺轄境。俱已一律敕平。而零

匪逸逃。仍須嚴行搜捕。此外籌防海口。撫馭民番。尤爲當

務之急。均難少懈。惟有殫竭血誠。益加奮勉。隨時隨事。稟

商督撫臣會同鎮臣率屬實力講求。認真妥辦。總期減戢

永奠民氣。胥恬以冀仰酬

高厚鴻慈於萬一。所有微臣感激下忱。理分繕摺叩謝  
天恩。伏乞

皇太后

皇上聖鑒謹

奏

議政王軍機大臣奉

旨知道了

會奏妥籌善後摺

奏爲妥籌善後。嚴督水陸官軍。擒斬洋盜。搜捕內山渠逆洪

益等多名懲辦並查明斬獲股首嚴辦等同積年臺鳳出力未保官紳臚列清單遵

旨會保額懇

天恩仰祈

聖鑒事竊臣丁曰健於同治四年二月十三日附

奏剿辦嘉義逃逆嚴辦等潛回勾結滋事一片四年五月二

十日奉

上諭漳州賊匪未平深恐勾結渡臺爲入海之計著曾元福丁曰健仍遵前旨於海口要隘妥籌防範毋令闖入臺地所有

斬獲嘉義股首嚴辦等出力人員著曾元福等查明保奏毋  
許冒濫。欽此。欽遵到臺。臣等當同治三年內地漳郡未經克  
復之先。誠恐髮逆攸剝窮蹙。竄逃下海。渡臺勾結。節經疊  
札沿海營汛廳縣嚴密巡防。旋據探報鳳山打狗口。卽旂  
後地方有形跡可疑之洋船在口外遊駛。當卽照會英國  
領事卹和。稅務司麥士威查探會辦。飛札鳳山營縣。刻速  
馳赴堵剿。四年四月二十八九等日。准領事卹和。稅務司  
麥士威照覆查前來。美國夾板船名人呢兒。沙門內有洋  
匪數名。前在江蘇幫助髮逆。經該國領事查知。立逐回國。

前次來臺。已函致花旗國領事。覆稱將船內前通髮逆之  
醜類鎖拿到關懲辦。船即放行。此次來旂後載貨。並無藏  
匿匪犯。並據署南路營叅將田如松。署鳳山縣知縣凌樹  
奎會稟。前經訪聞旂後口有美國匪船寄碇。即督帶兵勇  
配足軍火飛往。駭處。洋船見防堵嚴密。旋即開去。至四月  
二十七日復來。詢據麥士威備述前情。諭令守口員弁。及  
在地行郊。不准該船進口登岸。載運貨物。當日開駛。臣等  
查美國洋船。前既在江蘇勾通髮逆。此次來臺。雖稱買貨。  
難保非暗通漳逆。使來窺探。見有準備。竄駛別口。臣丁曰



健卽統帶酌留親勇。督同候選知府臺防同知葉宗元。赴安平鹿耳門海口一帶。沿途巡查。臣曾元福商令署安平協叅將陳啓祥。選派舟師出洋巡哨。通飭沿海營縣一體防範。一面稟明督撫臣在案。嗣於五月初二日。臣等訪聞淡水後壠港。有廣艇在洋伺劫情事。卽嚴札艋舺營水師會同淡水同知王錦。出洋追捕。又札委前署淡水同知鄭元杰。督同紳董民團。分路防禦。並示禁沿海奸民接濟水米。適有署閩安協副將劉興邦。自省管駕輪船。巡至淡北雞籠洋面。飛商會合在事文武。訂期夾擊。該處文武顧某

商船水勇調集壯丁。排列口岸。以防該艇竄逃。五月十二日午刻。劉興邦駕駛輪船。抵後壠港外。是日水陸並進。該艇匪開礮迎敵。相持三時之久。輪船遙放天礮。擊損該艇一隻。其餘兩船。欲圖駛逃。被輪船堵截。未能竄逸。是夜艇匪潛移港內。依山作障。以避礮火。十三日輪船復開天礮轟擊。因內港形勢灣曲。未能盡中。舟師繞至山邊。施放鎗礮。該艇兩面受敵。勢難兼顧。受傷落海者多名。我軍乘勝齊進。奪獲匪艇一隻。兵勇爭先登船。該匪拚死格鬪。被兵勇殺斃落海二十餘名。生擒吳阿情等八名。放出開禁難。

民林裕一名起獲大礮三尊。小礮兩尊。器械十餘件。其時風潮驟漲。餘艇乘閒駛出外洋。輪船因風猛折回滬尾。提訊吳阿情、張阿狗、羅金、陳其水、廖登旺、羅阿猛、陳阿根、張阿萬八名。同紳董頭人獲送。梟水登岸之艇匪何阿三、李阿六、張阿承三名。供認在洋搶劫殺人多次。卽令就地正法。以免稽誅。此防剿海口中外匪船之實在情形也。至嘉彭餘匪雖經臣等督率營縣節次搜捕。逆犯沈昆、楊和尚、李番、嚴魚、吳相、余芳青、朱輕風、葉查畝、王松、李囉、呂鴨母、鄭大頭、王猶九、郭青水等十四名。隨時懲辦。惟尚有著名

渠逆係已正法逆首偽王洪璫洪機之胞弟。悍逆洪益未獲。此害不除。彰化諸事掣肘。臣丁曰健於三年冬間往北勢涌攻剿。該逆疊次執旂對陣。殺傷官兵。克悍異常。因逃入番社。以致漏網。四年冬初。該逆復出勾通漏逆偽先鋒張阿乖糾集匪夥數百人。搶割稻穀。嗣後攻破裸仔寮莊。佔紫石城仔等處。黨與漸眾。分派匪夥盤踞莊內。添掘壕溝。造築銃櫃。殺斃鄉官義首洪三統一家七命。意圖死灰復燃。臣等查該處山路崎嶇。兼通番界。若非北投洪姓頭人幫拏。斷難得手。勒令候選訓導洪鍾英。武生洪青選。義

首洪國忠等選派族丁於十月十五六等日。隨同代理彰化縣知縣韓慶麟。署北路協副將湯得陞。守備葉保國。統帶大隊由稞仔藔莊進兵。出其不備。攀藤入險。先破賊之門戶。逐日分兵攻剿。焚燬二十餘莊。斬首十餘級。擒獲陳球等八名。押解到營。越日我軍進紮適中之牛峙崎。截其外援。斷其糧道。分派勇隊數百名。埋伏左右。令洪姓頭人抄截後山。該營縣揮令兵勇由中路直進。點放大礮轟倒銃櫃五座。擊斃執旗賊目二名。該匪拚死拒敵。兵勇奮力爭先。伏兵四起。該逆抵敵不住。四竄奔逃。殺斃賊夥四十

餘名生擒蔡阿發等十三名。訊據供稱洪益黑夜乘隙竄往近番界之龜仔頭。我軍跟踪尾追至平林地方。與洪青選等率勇堵遇會合。斃拏各匪驚散。追捕墜崖死者甚眾。卽將巨逆洪益圍擒。提訊該逆供認元年九月間。攻破斗六營盤。剽取前鎮臣林向榮。副將王國忠等首級。洪穰死後。逃入番界。接充偽王。三年疊次督陣拒敵。四年冬間。復欲聚眾起事。南北勾結。訊之逸犯陳球、謝寨、陳國、何九、陳義、林炎、何仁、劉乃賜、蔡阿發、陳歲、謝老、未曾山、洪尾、洪爲、楊盛、魏扁、郭榮、簡烏招、蕭水供認充當洪益等旂脚。拒敵。

官兵將逆首洪益軍前凌遲處死。陳球等十九名斬梟。兵勇卽乘勝又進內山揀東搜捕。歲已云暮。各營仍紮內山過年。新正卽添調義首武生江觀淵。選帶莊丁。並鹿港總局練勇來營助戰。疊次攻撲。兵勇互有殺傷。正月二十一日。策勵兵勇民團分三路進兵。合戰多時。先行攻破下員林外圍。該逆退守老巢。膽敢黑夜偷劫我營。幸有準備。卽行擊退。至二月十九日。復攻破雙張賊寨。陣前格斃陳紀。陳益。張阿狗三名。割取首級。奪獲烏鎗多桿。北中營前失。握破一尊。大旂五面。搜出戴逆偽糧串一本。生擒悍逆洪

老松等十六名。訊據洪老松供認。前充戴逆僞元帥。攻陷彰城。三年三月間。復欲豎旂攻城。近又與洪益同謀報復。等供訊之同時。搜獲林萬、施厚、何良、王有得、何隆、唐盤、吳宋、張產、九邱三、周洪勝、洪茂、洪添房、洪阿雲、簡茶畝、陳強。均各供認。充當洪老松疥脚。與官軍接仗。將僞元帥洪老松。同訪拿元年三月間。開彰化縣城迎賊之賊目蔡沛。均凌遲處死。林萬等十五名一併梟示。漏逆僞先鋒張阿乖等。經逆首洪益先期分派匪黨。竄往南北肆擾。以圖牽制。嗣據淡水同知王鏞稟稱。有逆匪竄至內山鯉魚潭。勾串



土匪擄搶。卽調集丁勇。協同千總鄭飛熊。義首張阿晨等。前往圍捕。該匪膽敢開銃拒捕。因地勢險窄。兵勇屢進屢傷。無計可入。商令義首張貽謀等。謀通潭後之番目潘貴。許給重賞。令其由內打出。放火爲號。內外夾攻。該匪驚惶。無措。紛紛潰逃。格殺陳阿得等十餘名。生擒廖連進。許惡。陳潮明。林阿二。黃阿矮。李阿尾。李阿姑。謝慶德八名。訊認。圍攻大甲。並另犯搶劫別案。就地處決。署嘉義縣知縣王文榮。自到任以來。或懸賞購拏。或親臨剿捕。陸續搜獲逸犯呂日安。呂大哮。呂阿茲。顏合。謝元全。胡正。李佳角。丁仔。

關謝紅蟬、潘樓郭田何任、癸江旺十三名，訊供詳報。嗣因張阿乖率黨竄至嘉彰交界之水沙連東勢坑，攻搶林圯浦街殺斃義首林西輝、莊丁林進等五名。移會彰化縣斗六門都司林振舉四面圍擊，當場格斃漏逆僞先鋒張阿乖、陳進、王萬等十餘名，擒獲簡必、李春、徐後、徐嬰、黃登、劉和成、陳濫、何義、黃秋涼、郭慙、王招、何塗生、李埔、王知、黃歹十五名。驗明逆首張阿乖等正身戮屍，割取首級。同前獲之僞先鋒呂日安等一併解郡。臣等先經訪聞臺灣縣轄蘇厝寮莊有匪首謝大福等，在五虎寮會文溪交界一帶。

聚眾結會搶擄。卽札飭署臺灣縣知縣張傳敬會營前往剿辦。又恐此等彼竄。臣丁曰健另派五品軍功林成同勇首楊斗等。管帶酌留防冬緝匪親勇多名。隨同協擊。並諭令聯莊總董四面堵截。該匪見官兵到地。始猶開鎗拒捕。經兵勇兩路夾擊。冒險力攻。疊破莊門。要隘該匪格斃多名。棄械分竄。營縣揮令兵勇跟追。擊獲龔投王習許狗徐貓生林碧王添全黃晚黃紅毛林俊戴短尾陳甯王來却許大代楊通陳勝沈達楊大謀沈允尤原尤抱二十名。經親勇同各莊義首截獲。匪首謝大箍梁金聲黃新章黃見

成四名。續獲李添成、郭福、陳小篇、黃以鎗、黃萬、許百良、劉牛蘇、萬復、胡紗、唐美、歐仔牙、林和、廖烏番十三名。並據署鳳山縣知縣凌樹荃稟報訪聞。元年起事響應之股首呂清連。近有勾結嘉彰內山匪徒。希圖搶奪。因公下鄉時。不動聲色。購線拏獲該逆首呂清連一名。并緝獲李矮古、潘土地、潘連枝、侯阿得、鍾東新五名。以上各犯先後解府。臣等卽札飭臺灣府知府陳懋烈、臺防同知葉宗元、督同前署嘉義縣知縣白鸞卿、臺灣縣知縣張傳敬分案提犯研訊。嘉義匪犯呂日安、呂大哮、呂阿茲、顏合均各供認前充。

逆首呂梓偽先鋒。謝元全等二十四名。充當旗脚。并攻陷  
斗六。殺死兵勇。臺灣匪犯謝大箍。梁金聲。黃新章。黃見成  
四名。供認前充逆首嚴辦偽先鋒。龔投等三十三名。充當  
旗脚。圍攻嘉義城。又另犯擄搶各案。鳳山匪犯逆首呂清  
漣。供認元年糾邀已正法之李從。謀逆暨旗嚮應。李矮古  
等五名。充當旗脚。錄供審解前來。臣等覆勘無異。當即恭  
請

王命。將各犯綁赴市曹。逆首呂清漣。偽先鋒呂日安。呂大哮。呂  
阿茲。顏合。謝大箍。梁金聲。黃新章。黃見成。九名。凌遲處死。

旂脚、謝元全、胡正、李佳角、丁仔關、謝紅蟬、潘穰、郭出、何任、  
癸江、旺簡、必李春、徐後、徐嬰、黃登、劉和成、陳濫、何義、黃秋、  
涼、郭韞、王招、何塗生、李埔、王知、黃歹、龔投、王習、許狗、徐貓、  
生、林碧、王添全、黃晚、黃紅毛、林俊、戴短尾、陳雷、王來却、許、  
大代、楊通、陳勝、沈達、楊大謀、沈允、尤原、尤抱、李添成、郭福、  
陳小篇、黃以鎗、黃萬、許百良、劉牛、蘇萬復、胡紗、唐美歐、仔、  
牙、林和、廖烏番、李矮古、潘土地、潘連枝、侯阿傳、鍾東新、六、  
十二名。一併斬梟。傳首犯事地方。分別懸竿示眾。以昭炯、  
戒。此南北先後搜捕餘匪要犯。懲辦之實情也。臣曾元福、

自去冬南北閱伍後回郡。督練精兵。臣丁曰健職兼學政。刻已舉行科考。現在水陸平靖。民情安堵。堪以仰慰。

聖懷惟臺灣自元年三月彰化失陷以後。蔓延數百里。全臺震動。幸賴

皇上威福。將士用命。彰斗次第克復。戴林二首逆伏誅。卽分股巨憝。各處賊莊。以次芟除。第用兵三載。始息干戈。爲時已久。出力者多。所有淡嘉彰在事文武紳董義首人等。經督撫臣分案彙保。荷蒙

聖恩高厚。一體

允准。臣等查元二兩年賊氛漸近郡城。及鳳山豎旂之時。均經前道臣洪毓琛奏明有案。臺鳳兩縣尚多未保人員。其官紳義首。或募勇防剿。或隨軍殺賊。或運解糧餉。或審案取供。以及妥籌善後。巡防水陸。至兩三年之久。均屬始終出力。似未可沒其微勞。墮於

上聞。臣伏查咸豐三年逆首林供滋事案內。嗣後搜捕餘匪出力文武員弁。前由臺灣鎮臣邵連科。臺灣道臣裕鐸。於咸豐五年間分案會保。今事同一律。合將前次斬獲股首暨辦同剿辦逆首呂梓。並搜捕餘匪巨魁出力人員。分繕清



單恭呈

御覽合無籲懇

鴻慈逾格准予分別獎敘以爲海外從戎始終効力者勸臣會  
元福丁曰健督飭文武實心實力整飭營規勤求吏治以  
冀仰副

皇上綏定海疆之至意除將稍次出力紳董義首另行咨部立  
案並起獲礮械留營配用各犯有無財產飭屬查封另辦  
外謹合詞繕摺由驛四百里馳陳伏乞

皇太后

皇上聖鑒訓示遵行謹

奏

同治五年四月二十八日奏

旨另有旨欽此

鄉試各生赴省有遭風淹沒請

卹片

再臣丁曰健職兼學政每逢鄉試之期臺屬文武各生由臣錄遺送考。查同治三年係甲子正科。臣於是年四五兩月歲科並試後即錄取文武各生造冊送省。嗣因髮逆竄

援漳郡奉文停止。旋於四年六月二十八日接撫臣閏五月初六日抄摺行知。會同督臣左宗棠。學臣曹秉濟。

奏請四年九月間補行甲子鄉試。聲明考官俟到閩酌定。入闈開考日期等因。臣當卽示諭一面行知府廳縣各學。一體曉諭各生。因考期未定。是以晉省稍遲。詎知四年入秋以來。颶風時作。訪聞臺屬晉省鄉試各生。有遭風淹沒情事。當卽通飭府縣各學。確查稟覆去後。茲據臺灣府學教授沈紹九。彰化縣學教諭邱培英。詳稱有府學附生黃炳奎。彰化縣學廩生陳振纓。黃金城。蔡鍾英。四名。八月間由

鹿港配金德勝商船晉省。該船在洋遭風沈溺。黃炳奎等屍身日久探撈無獲。取具各親屬切結前來。臣伏思該生等因觀光志切。覆溺身亡。殊堪憫惻。查咸豐壬子科有臺灣縣廩生石耀德等四名。赴省鄉試。遭風溺斃。經撫臣徐宗幹在臺灣道任內附片請卹。荷蒙

鴻慈逾格。議給訓導職銜。今附生黃炳奎等四名。事同一轍。合無仰懇

天恩。援照咸豐四年廩生石耀德等請卹成案。

勅部議卹。以慰游魂。謹合詞附片陳明。伏乞

聖鑒訓示謹

奏

同治五年四月二十八日奉

旨禮部核議具奏。欽此

文武員弁。兵勇陣亡死傷。請

卹片

再臺灣自元年三月間彰化失陷以後。蔓延南北。震動全臺。節次調派水陸官軍。先後攻剿。至三年之久。始得漸次肅清。其中兩次嘉義解圍。收復彰城。攻克斗六。防剿大甲。

此外破滅無數賊莊。各兵勇經年累月。効力疆場。陣亡死傷已屬不少。惟斗六大營失陷。前鎮臣林向榮。安平協副將王國忠等。所部兵勇屯番全軍覆滅。死傷更多。遇害文武大員。均經隨時

奏請

賜卹。卽省中來臺援剿陣亡弁兵。以及淡水義勇。亦經報明督撫臣彙案咨部。議卹在案。今臣等查尚有臺灣水陸各營員弁兵丁。同郡局嘉彰等三處義勇。暨南北屯番。並殉難之義首幕丁等。未曾請卹。加以三四兩年。先後剿辦逆首

洪橫洪益等。各兵勇亦有死傷。茲據各營廳縣查明該弁  
兵勇等死事實蹟。取結造冊送府。由臺灣府知府陳懋烈。  
彙核詳報前來。臣等查該員弁兵勇等。或衝鋒首敵。當場  
陣歿。或力戰爭先。被擒屠戮。或身受重傷。登時殞命。捐軀  
報

國。忠義凜然。至廣東補用從九品幕友王鶴康。卽王海帆。彰  
城失陷被擄。設計沒間。謀賊引兵。被賊窺破。遇害。不惜一  
身之死。得保嘉義全城。舍生取義。清殊可憫。謹開列清單。

恭呈

御覽。合無顯懇

天恩。勅部分別從優議卹。以慰忠魂。除咨報督撫臣調撥各營兵丁來臺戍守。外。謹合詞附片陳明。伏乞

聖鑒訓示。謹

奏

同治五年四月二十八日奉

旨。潘恭贊等均著交部。從優議卹。單並發欽此。

彙獎清單

謹將遵



旨查明斬獲股首嚴辦。同剿辦逆首呂梓。並此次搜捕餘匪要犯。出力官紳義首人等。分別酌保。謹繕清單。恭呈御覽。

計開

花翎留閩補用道臺灣府知府陳懋烈

該員當逆首嚴辦。潛回嘉義滋事。即派勇飛赴會剿。嗣逆首呂梓復叛。該員正在嘉義辦理善後。立即督率營縣。攻破二重溝。拏獲呂梓。訊明正法。洵屬著有微勞。擬請

交部從優議敘。

花翎候選知府臺防同知葉宗元。

該員於嚴辦呂梓二逆滋事案內。先後調派屯丁隨軍助剿。會擒首逆。並搜捕餘匪多名。此次復隨同赴鹿耳門。及旗後各海口巡防。順途督辦聯莊。洵屬最爲出力。擬請以知府留閩遇缺卽補。

花翎遇缺卽補知府凌定國。

花翎同知銜候補知縣白驥良。

該員等當逆首呂梓復叛時。帶勇助剿。扼要屯紮。擒斬

匪黨多名。均屬出力。凌定國擬請

交部從優議敘。白驥良擬請以知縣本班留閩儘先補用。

花翎候補知府。前署淡水同知。准補平潭同知鄭元杰。

花翎知府銜。咨補淡水同知王鏞。

該員等當廣艇竄至後隴洋面。會同營員水陸堵剿。擒

獲洋匪多名。該員王鏞復於鯉魚潭搜捕餘匪多名。均

屬出力。鄭元杰擬請

交部從優議敘。王鏞擬請以應陞之缺陞用。

花翎遇缺卽補同知直隸州知州臺灣縣知縣白鸞卿

該員前在嘉義縣任內。正嚴辦呂梓二逆。先後滋事。啓  
勇會剿。搗穴擒渠。殺賊多名。最爲出力。擬請俟補同知  
後。以應陞之缺陞用。

同知銜署嘉義縣知縣卽用知縣王文榮。

該員到任後。節次搜捕逸犯呂日安等多名。嗣因漏逆  
張阿乖竄至東勢坑搶擄。帶勇會捕。格斃逆首張阿乖。  
擒獲匪黨二十餘名。實屬最爲出力。擬請補缺後。以同  
知留閩補用。

同知銜壽甯縣知縣署鳳山縣知縣凌樹荃。

該員到任後。勤於緝捕。訪聞元年起事。嚮應之股首呂清連。勾結嘉彰匪徒。搶擄該員。暗購服線。密拏股首呂清連。並餘匪李矮古等解辦。洵屬出力。擬請以同知留闕補用。

汀州府經歷代理彰化縣知縣韓慶麟。

該員到任後。節次搜捕餘匪陳球等八名。嗣又深入內山。攻克石城仔。及棟東賊巢。衝鋒破敵。搗穴擒渠。擊獲悍逆洪益。僞元帥洪老松等多名。躬冒矢石。不避艱險。洵屬最爲出力。擬請開缺。以知縣留閩。遇缺卽補。並請

賞戴藍翎。

前署嘉義縣。佳里興巡檢。候補府司獄胡榮海。

前嘉彰斗六門縣。丞理問銜儘先補用。未入流姚潼。

不論雙單月選用。州同吳先藻。

該員等於嚴辦滋事案內。帶勇助剿。扼要堵禦。並聯莊緝匪。獲犯多名。均屬著有微勞。胡榮海擬請以府司獄本班留閩儘先補用。姚潼擬請補缺後以縣丞留閩補用。吳先藻擬請免選州同本班。以藩經歷留閩。不論班次。遇缺卽補。

已革海澄縣典史陳汝圻

該員咨補海澄縣典史。因到省遲延革職。茲該員於嚴辦滋事案內。自備資斧。募勇協剿。擒斬匪黨多名。洵屬最爲出力。擬請開復革職處分。以原官留閩補用。並免繳捐復銀兩。

候選員外郎黃景琦。

該員當戴逆滋事。捐資助餉。募軍防剿。獲犯出力。經前道臣洪毓琛奏請加四品銜。以員外郎儘先選用。嗣奉部駁與例不符。飭今改獎。茲該員於嚴辦滋事案內復

備貲募勇隨軍助剿。協獲逆匪多名。洵屬出力。應將兩次勞績併案改獎。擬請以知府歸部選用。並請

賞戴花翎

州同銜翁林英

該員於淡水艋舺一帶。防海兩年。疊次拏犯。又呂梓復叛案內。自備貲斧。率團助戰。攻破賊巢。隨同文武協獲首逆。實屬出力。擬請加五品銜。並

賞戴藍翎

候選主簿黃繩芳。



候選從九品蔡行芳

候選從九品黃華

候選從九品葉丹

該員等當呂梓復叛之際。帶勇助戰。攻燬賊巢。擒獲匪黨多名。實屬著有微勞。黃繩芳。蔡行芳。黃華。葉丹四名。均擬請以本班不論雙單月。歸部儘先選用。葉丹並請

賞加五品職銜

五品銜。不論雙單月。遇缺卽選。訓導孟際滋。

不論雙單月。選用訓導。沈炳焜。

義首蔡德潛

該義首等當呂梓逃竄。欲偷渡布袋嘴往內地漳州勾結時。聯莊堵截。設計誘擊。將呂梓協獲送案。著有微勞。蘇志誠蔡圖南蔡德潛均擬請。

賞給五品頂戴

花翎署北路協副將儘先補用副將湯得陞

該員統帶大隊兵勇。窮搜極捕。獲犯多名。嗣又深入內山番界。攻克石城仔。及棟東賊巢。身先士卒。衝鋒破敵。殲斬悍逆洪益等首犯。營中度歲。冒寒苦戰。洵屬勇敢。

有爲勤勞懋著。擬請

賞加勇號

陞署閩安協副將劉興邦

該員由省管駕輪船巡至臺灣淡水雞籠洋面適匪艇  
竄擾後隴港該員不分畛域越境追剿會同在地文武  
水陸夾攻擒斬洋匪多名洵屬出力擬請

交部從優議敘

花翎副將銜前署安平協水師副將候補叅將陳啓祥  
花翎副將銜前署嘉義營叅將儘先補用遊擊徐榮生

候選訓導陳春濤。

候選訓導沈芳林

候選訓導陳疇

附生梁星樞

該員等於嚴辦呂梓滋事案內。兩次率帶練勇。堵截要隘。使該逆不得逃竄。復辦理聯莊。緝捕餘匪。均屬著有微勞。孟際滋擬請以訓導不論班次。遇缺卽選。沈炳焜。陳春濤。沈芳林。陳疇。四名。均擬請以訓導不論雙單月。歸部儘先選用。梁星樞擬請以訓導不論雙單月。歸部

選用。

義首張阿晨。

義首張貽謀。

該義首等當匪艇竄擾後隴港洋面。卽督帶練丁。水陸堵禦。緝獲登岸。在逃洋匪解辦。嗣又隨同官兵擒獲鯉魚潭餘匪。均屬出力。張阿晨。張貽謀。均擬請

賞給五品頂戴。

義首蘇志誠。

義首蔡國南。

該員陳啓祥。前在安平協任內。選派舟師出洋巡哨。嗣於呂梓復叛時。督帶兵勇。攻破二重溝賊巢。擒斬匪黨甚多。該員徐榮生。前在嘉義營參將任內。於攻剿呂梓時。督帶兵勇。不避礮火。極力窮追。腿受鎗傷。實屬最爲出力。現在傷已平復。陳啓祥擬請

交部從優議敘。徐榮生擬請以參將留閩儘先補用。

花翎署南路營參將候補參將田如松

該員當呂清漣勾結搶擄時。選派兵勇。會縣密拏逆首呂清連等多名。洵屬出力。請

交部從優議敘

斗六都司林振皋

該員帶隊深入水沙連督率民團擒斬首逆張阿乖等  
多名並協同搜捕逸犯實屬奮勇出力擬請以遊擊儘  
先補用並請

賞戴藍翎。

儘先都司臺灣城守左軍守備張得祿。

儘先補用守備陳雲龍。

南路營千總李長青。

北路中營千總江有聲。

城守營千總王得升。

該員等於逆首嚴辦呂梓滋事案內兩次帶兵夾擊。攻破賊巢擒斬首逆並分路搜拏餘匪焚毀各逆莊洵屬出力。張得祿擬請以遊擊儘先補用。陳雲龍擬請以都司儘先升用。先換頂戴。李長青江有聲王得升均擬請以守備儘先補用。

都司銜留閩儘先補用守備戴捷春。

該員於同治三年十二月間攻克北勢浦洪逆賊巢案



內保舉守備留閩儘先補用加都司銜奉

旨允准在案嗣接行知該員先於三年六月初五日奉准部文

因兵丁鬧餉滋事約束不嚴革職該員參革在先保舉

在後斯時臺灣尚未接到部文是以保陞未請開復今

該員於嚴辦滋事時帶兵攻剿獲犯出力著有微勞擬

請開復原參革職處分仍以守備留閩儘先補用加都

司銜並請免繳捐復銀兩

花翎儘先陞用守備葉保國

儘先補用守備鄭貴

署北路左司左哨千總鄭飛熊。

北路營外委林成功。

該員葉保國林成功管帶隊伍隨軍攻破洪益賊巢復  
深入內山紮營度歲窮搜極捕獲犯多名該員鄭貴於  
嚴辦呂梓滋事案內督率兵勇攻克賊巢擒斬匪夥甚  
多。鄭飛熊選帶兵丁會拏鯉魚潭餘匪解辦均屬出力。  
葉保國鄭貴均擬請俟補缺後以都司留閩儘先陞用。  
林成功鄭飛熊均擬請以千總遇缺拔補。

武生洪青選。

武生江觀瀾。

義首洪國忠。

該武生等當官軍攻剿洪益賊巢時。各帶族丁。於內山  
崎嶇扼要埋伏。引軍追剿。擒獲洪益。搜拏餘匪。實屬出  
力。洪青選。江觀瀾。均請

賞給六品翎頂。洪國忠擬請

賞加五品銜。

勇首張媽生。

勇首游立升。

該勇首等帶勇助戰。首先攻破呂梓賊巢。擒斬多匪。並搜獲逸犯。洵屬出力。張媽生游立升。均擬請以千總留臺拔補。

勇首黃德昭。

勇首林希周。

勇首丁福祿。

勇首陳銳。

勇首楊斗。

該勇首等。始則帶勇分赴各海口。嚴密巡防。繼復隨同

官兵拏獲要犯謝大籬等十餘名。均屬奮勇出力。黃德昭。林希周。丁福祿。陳銳。楊斗五名。均擬請以外委留臺儘先拔補。

又清單

謹將查明戴逆滋事案內。元二兩年。臺鳳防剿出力未保官紳義首人等。分別酌保。謹繕清單恭呈

御覽

計開

五品銜前署鳳山縣知縣補用知縣張傳敬。

該員前在鳳山縣任時。正戴逆勾結楠梓坑匪徒。暨旅  
鄉應。該員督帶兵勇。飛赴會剿。擒獲股首二十餘名。登  
時剿滅。不致蔓延。郡城藉以安靖。實屬最爲出力。張傳  
敬擬請免補知縣本班。以同知留閩儘先升用。並請

賞戴花翎

花翎同知銜前署臺防同知閩縣知縣秦煦

同知銜前署臺灣縣嘉義縣知縣章勤文

該員等當元年彰化失陷後。賊氛逼近郡城。調集屯番  
役勇。晝夜巡防。盤獲奸細多名。並籌餉勸捐。接濟軍需。

實屬著有微勞。秦煦章觀文均擬請以應升之缺升用。候補同知夏靖之。

同知銜候補通判蕭澈。

該員夏靖之解餉來臺。謹慎無悞。嗣後留營剿匪出力。請以同知本班留閩儘先補用。蕭澈督帶義勇巡防郡城。扼守要隘。拏獲逆犯。並解餉多次。涉海入山。均無貽誤。擬請以通判本班留閩儘先補用。俟補缺後。以同知補用。並請

賞戴藍翎。

提舉銜指分江蘇通判鐘學義

候選知縣馬蓉

補缺後補用知縣指分福建縣丞孫祖蔭

該員等當元年郡城戒嚴時。備資募勇。日夜巡防。復隨軍剿匪。獲犯出力。均有微勞。鍾學義擬請到省後。以通判本班儘先補用。馬蓉擬請以知縣留閩儘先補用。孫祖蔭擬請

賞加五品銜

提舉銜分發通判徐寶鏞



該員由縣丞遵票本例。捐升分發通判。加提舉銜。奉准  
部覆。元年賊氛逼近郡城。該員倡捐軍餉。備資募勇。日  
夜巡防。復隨軍助剿。銜鋒胥敵。殺賊多名。陣擒渠逆。葉  
番婆等五犯。實屬始終出力。擬請到省後。遇缺卽補。並  
請

賞戴藍翎

提舉銜臺灣府經歷管綸。

臺灣縣典史韓紹基。

理問銜遇缺卽補府經歷縣丞王朝泰。

該員等隨同在事文武督率役勇晝夜巡訪並辦理聯莊盤詰奸宄管綸韓紹基均擬請以應升之缺升用王朝泰擬請補缺後以應升之缺升用。

前署臚舡縣丞候補縣丞樊炳文

該員解餉渡臺留營効力帶勇助戰擒斬要逆甚多嗣於署臚舡縣丞任內緝捕餘匪多名尤爲出力擬請以縣丞本班遇缺卽補俟補缺後以知縣留閩補用並請

賞戴藍翎

署臚舡縣丞候補縣丞葉駿

署頭圉縣丞布經歷銜候補府經歷王師陽

候補府經歷孫綽

候補縣丞王淮

候補縣丞王建勲

六品銜候補縣丞吳春熙

候補縣丞張星煥

候補縣丞李溶

指分福建縣丞周應藩

該員等或督率鋪民。日夜巡防。或管造軍裝。辦理支應。

或航海解餉。留營効力。或隨同勦捐。接濟軍需。均屬著有微勞。業經王師陽孫綽。王准。王建勳。吳春熙。張星煥。李溶八名。均擬請各以本班留閩儘先補用。周應藩。擬請到省後。以本班儘先補用。並請賞加五品銜。

指分四川鹽課大使羅其哲

指分福建縣丞曹溥

該員等當鳳山匪徒豎旂響應時。自備資斧。帶勇巡防。並辦理聯莊。盤獲奸匪。均屬著有微勞。羅其哲擬請到

省後以本班儘先補用。

賞加提舉銜曹溥擬請到省後以本班儘先補用。

儘先補用從九品吳鎔

儘先補用未入流陳學瀛

六品頂戴仙遊縣楓亭巡檢何懋鴻

六品銜留閩遇缺卽補未入流易師彥

該員等或督造軍裝。分司局務。或帶勇助戰。擒獲要犯。或辦理聯莊。緝捕匪黨。均屬著有微勞。吳鎔陳學瀛均擬請補缺後以縣丞留閩升用。何懋鴻擬請以縣丞留

閩儘先升用。易師彥擬請到省後免補未入流本班以  
縣丞升用

前署大武壠巡檢候補從九品李坦。

候補從九品費鏞。

候補從九品王熙。

候補從九品朱鴻。

候補按司獄胡東海

六品頂戴福建儘先補用未入流姚瀧

該員等襄辦局務。自元年起至今三載有餘。郡城戒嚴

時督率舖民分門防守。稽查奸細。勸捐軍需。均屬出力。  
李坦。費鏞。王熙。朱鴻。胡東海。五員。擬請各歸本班。留閩。  
儘先補用。姚漣。擬請補缺後。以應升之缺補用。

坐補南安縣典史魏堦。

候選從九品王家賓。

該員等始則帶勇稽查城門。盤獲奸細。繼復清查保甲。  
辦理聯莊。著有微勞。魏堦。擬請俟到省補缺後。以縣丞。  
儘先升用。王家賓。擬請從九品入班。留閩儘先補用。  
中書銜候補訓導孫培甲。

試用訓導劉其旋

該員等當元年軍興之際。帶勇稽查城門。辦理團練。並設法勸捐。接濟軍需。實屬著有微勞。孫培甲擬請以訓導不論班次遇缺卽補。劉其旋擬請以訓導儘先遇缺卽補。均請

賞加五品銜

舉人陳有容

舉人王藩

該舉人等於郡城吃緊時。帶勇防守。督修城垣。採辦軍



火勸捐軍餉著有微勞。陳有容。王藩。均請以教諭不論雙單月歸部儘先選用。

五品銜藍翎候選訓導楊清珠。

訓導銜歲貢生吳春華。

恩貢生王麟振。

廩生廖登鏞。

廩生陳昌年。

廩生楊紹鼎。

廩生陳次仁。

康生顏廷均

該員等於戴逆滋事之際。團練義勇。協同防守。清查保甲。緝匪聯莊。又復勸捐軍需。接濟兵餉。均屬著有微勞。楊清珠。吳春華。王麟振。廖登鏞。陳昌年。楊銘鼎。陳次仁。七名。均擬請以訓導。不論雙單月歸部儘先選用。顏廷均擬請

賞加五品職銜。

義首布經歷銜明海。

義首六品職銜杜春貴。

義首監生蕭植章。

義首文童戴朝斌。

義首文童吳錫齡。

義首文童吳青。

義首文童呂陽泰。

義首文童林春發。

該義首等當上年賊勢蔓延。道路梗塞之際。備資募勇。防守要隘。出莊巡哨。探報軍情。林春發復隨軍接仗。獲犯多名。均屬急公好義。著有微勞。明海。杜春貴。蕭植章。

戴朝斌、吳錫齡、吳青、呂陽泰七名均擬請以從九品不論雙單月歸部儘先遇缺卽選。

前署鹿港營遊擊安平協水師副將江國珍。

查該員前在鹿港遊擊任內戴林二逆節次攻撲營盤。該員督兵固守並出營追剿擊退賊匪殺賊多名。鹿港得以保全功績最著。前次未獎。此次未便沒其勞績。擬請

賞戴花翎。

前署臺鎮中營遊擊嘉義營叅將洪金升

該員前在臺鎮中營任內。正當郡城吃緊。該員督同兵勇。晝夜巡防。復隨前提臣吳鴻源帶兵往剿。洵屬出力。擬請

交部從優議敘。

雙月選用都司北右營大甲守備葉連標

都司銜藍翎守備李連枝

該員等當元年郡城戒嚴。賊氛四起之時。督率兵勇。日夜防禦。並屯紮茅港尾等處。扼要巡緝。遇匪接仗。殺賊

多名便逆黨不得竄越。保固郡城。洵屬出力。葉連標擬請免補都司。以遊擊儘先升用。李連枝擬請以都司留闕。儘先升用。儘先補用守備趙品。

鎮標中營千總廖凌霄。

鎮標左營千總鄭天才。

鎮標右營千總黃亨銘。

藍翎南路營千總吳萬祿。

北右營千總朱拔高。

北右營把總朱鳳標。

該員等當鳳山楠梓坑匪徒暨旂時督帶兵勇日夜防守盤詰奸細並出城巡哨遇賊接仗擒斬多名均屬出力趙品擬請以都司儘先補用先換頂戴廖凌霄等六名均擬請以守備留閩儘先升用鄭天才黃亨銘並請賞戴藍翎。

六品頂戴督標儘先拔補把總林鴻鈞

六品頂戴撫標儘先拔補把總王金亮

六品頂戴撫標儘先拔補把總唐炳銓

把總侯元楨

該弁等於二年秋間隨臣丁曰健疊次攻克水裏港及  
葭投內山貓霧棟等逆莊。前次奏明奉

旨記獎實屬最爲出力。林鴻鈞王金亮唐炳銓侯元楨四名均  
擬請以千總留營儘先拔補。

邵武左營儘先把總嚴人松

北路右營外委署河公店汛外委孫金聲

安平水師左營外委記名把總翁翼飛

該弁等當鳳山匪徒嚮應時。管帶隊伍出城復督同民  
團分路堵截。遇賊追剿。擒斬甚多。洵屬出力。嚴人松孫



金聲翕翼飛擬請以千總留臺儘先拔補

代辦石井汎弁効用朱通

鎮標中營百隊張大義

鎮標左營百隊黃澄源

鎮標左營百隊沈連三

該弁等當鳳山匪徒嚮應時各帶本標兵丁分赴臺灣  
大穆降鳳山之岡山等處扼要防守遇賊竄擾督同民  
團殺退賊匪解散黨與不致蔓延均有微勞朱通張大  
義黃澄源沈連三四名均擬請以外委留營拔補

同日奉

上諭曾元福丁曰健奏。遵保迭次搜捕逆匪出力人員。開單請獎。一摺。福建臺灣地方。每有盜船在洋行劫。並與髮逆暗中勾結。前經曾元福等。嚴密搜捕擒斬賊匪多名。嘉義彰化積年匪黨。亦一律搜獲。將匪首洪益嚴辦等正法。其臺灣鳳山歷年防剿員弁紳勇。均屬始終出力。自應量予獎勵。所有單開之知府陳懋烈。著交部從優議敘。同知葉宗元。著以知府留於福建遇缺卽補。知府凌定國。著交部從優議敘。知縣白驥良。著以知縣本班留於福建儘先補用。同知鄭元杰。著交

部從優議敘。王鏞著以應陞之缺陞用。知縣白鸞卿著俟補同知後以應陞之缺陞用。王文榮著俟補缺後以同知留於福建補用。凌樹荃著以同知留於福建補用。府經韓慶麟著開缺以知縣留於福建遇缺卽補。並賞戴藍翎。府司獄胡榮海著以本班留於福建儘先補用。未入流姚澧著俟補缺後以縣丞留於福建補用。州同吳先藻著免選州同本班以布政使經歷留於福建。不論班次遇缺卽補。已革海澄縣典史陳汝枏著開復革職處分以原官留於福建補用。並免繳捐復銀兩。員外郎黃景琦著以知府選用。並賞戴花翎。州同銜

翁林英著賞加五品銜。並賞戴藍翎。主簿黃繩芳等四員。均著以本班不論雙單月儘先選用。內葉丹並賞加五品銜。訓導孟際滋著以訓導不論班次遇缺卽選。沈炳焜等四員。均著以訓導不論雙單月儘先選用。生員梁星樞著以訓導不論雙單月選用。團首張阿晨等二名。均著賞給五品頂戴。蘇志誠等三名。均著賞給五品頂戴。副將湯得陞著賞給効勇巴圖魯名號。劉興邦著交部從優議敘。叅將陳啓祥著交部從優議敘。遊擊徐榮生著以叅將留於福建儘先補用。叅將田如松著交部從優議敘。都司林振舉著以遊擊儘先補用。

並賞戴藍翎。守備張得祿著以遊擊儘先補用。陳雲龍著以都司儘先陞用。先換頂戴。千總李長青等三員均著以守備儘先陞用。已革守備戴捷春著開復革職處分。仍以守備留於福建儘先補用。免繳捐復銀兩。並賞加都司銜。葉保國等二員均著俟補缺後以都司留於福建儘先陞用。千總鄭飛熊等二員均著以千總遇缺拔補。武生洪青選等二員均著賞給六品翎頂。開首洪國忠著賞加五品銜。勇目張媽生等二名均著以千總留於臺灣拔補。黃德昭等五名均著以外委留於臺灣儘先拔補。知縣張傳敬著免補知縣本班。以同

知留於福建儘先陞用。並賞戴花翎。秦煦等二員。均著以應陞之缺陞用。同知夏靖之。著以本班留於福建儘先補用。通判蕭澈。著以本班留於福建儘先補用。俟補缺後。以同知補用。並賞戴藍翎。分發江蘇通判鍾學義。俟到省後。以本班儘先補用。知縣馬蓉。著留於福建儘先補用。縣丞孫祖蔭。著賞加五品銜。通判徐寶鏞。著俟到省後。遇缺卽補。並賞戴藍翎。府經歷管綸等二員。均著以應陞之缺陞用。補用府經歷縣丞王朝泰。著俟補缺後。以應陞之缺陞用。縣丞樊炳文。著遇缺卽補。俟補缺後。以知縣留於福建補用。並賞戴藍翎。葉駿

等八員均著以本班留於福建儘先補用。周應藩著俟到省後以本班儘先補用並賞加五品銜。鹽大使羅其哲等二員均著俟到省後以本班儘先補用。羅其哲並賞加鹽提舉銜。從九品吳鏞等二員均著俟補缺後以縣丞留於福建陞用。巡檢何懋鴻著以縣丞留於福建儘先陞用。未入流易師彥著俟到省後免補未入流本班以縣丞陞用。從九品李坦等五員均著各歸本班留於福建儘先補用。未入流姚瀧著俟補缺後以應陞之缺陞用。典史魏靖俟到省補缺後以縣丞儘先陞用。從九品王家賓著以從九品本班留於福建儘先

補用訓導孫培甲著以訓導不論班次。遇缺卽補。劉其旋著以訓導儘先遇缺卽補。以上二員並賞加五品銜。舉人陳有容等二名。均著以教諭不論雙單月儘先選用。訓導楊清珠等七員。均著以訓導不論雙單月儘先選用。顏廷均著加五品銜。布政使經歷銜。明海等七員。均著以從九品不論雙單月選用。文童林春發著以未入流不論雙單月儘先遇缺卽選。副將江國珍著賞戴花翎。叅將洪金升著交部從優議敘。守備葉連標著免補都司。以遊擊儘先陞用。李連枝著以都司留於福建儘先陞用。趙品著以都司儘先補用。先換頂戴。



千總廖凌霄等六員均著以守備留於福建儘先陞用內鄭  
天才黃亨銘並賞戴藍翎把總林鴻鈞等四員均著以千總  
留營儘先拔補嚴人松等三員均著以千總留於臺灣儘先  
拔補汎弁朱通等四名均著以外委留營拔補餘著照所議  
辦理該部知道單二件併發欽此

告病籲請開缺片

再臣丁曰健於同治二年二月卸署福建布政使篆務因  
任內籌濟糧餉耗盡心力致患怔忡脾瀉等症續又感受  
暑疫病益加劇維時臺灣軍務吃緊撫臣徐宗幹念臣曾

任臺灣廳縣有年。熟悉地方情形。向臣寓所問病。商委渡臺辦理軍務。醫治稍痊。正在整軍配渡。仰荷

聖恩。補授臺灣道員缺。復奉

命督師追剿。當於二年九月。由福省飛渡淡水。登岸招集舊部。勇丁力圖進取。軍師直下。親督矢石。連日攻破水裏港。蔭投賊巢。復會同提鎮臣先復彰化。次收斗六。首要各逆。接踵就擒。無如臺北天氣厲寒。兼多烟瘴。臣在軍營觸發脾瀉舊症。始猶勉力支持。抵郡後三年夏間。補行歲科兩試。調養數月。病勢稍瘥。續因彰化北投巨逆洪欉等。久未成

擒復圖思逞遂於三年九月統軍北剿親紮彰化內山看  
頂地方嚴督在事文武員弁紳團人等冒險冲寒進攻北  
勢涌僞北王洪機等老巢仰賴

天威計三閱月全巢攻燬巨逆就誅四年二月凱撤回郡道過  
嘉義布置攻剿嚴辦呂梓各逆先後授首詎臣染患內山  
瘴氣透入骨髓自是舊症復發周身筋骨作痛脾瀉較前  
尤甚然臣猶念內地漳郡甯平鄰寇未殄台地各口皆與  
閩粵海灣對峙節節需防加以四年冬間內山逃逆蠢動  
可慮時勢如此正臣子捐軀圖報之秋斷不敢因此微疴

遽萌退志。又力疾督飭文武。深入番界。嚴搜痛剿。今幸罪人斯得。水陸交防。臺疆敕定。閩粵一律肅清。春耕無悞。年穀順成。臣於五年正月。舊症加重。頭昏腹瀉。精力已覺難支。至二月間。痰喘大作。泄瀉頻仍。披覽公牘。籌畫諸事。總覺心旌搖搖。難以把握。醫者僉云。因焦勞過度。元氣大虧。非僅藥石一時所能奏效等語。臣前以候選知府。臺防同知。葉宗元。年力正強。人甚穩練。當三年九月間。臣赴彰化。北勢浦剿匪時。道署一切日行公事。委令代拆代行。並無貽悞。今擬仍將日行事件。由臣督委葉宗元代折代行。一

面稟請督撫臣遴委妥員渡臺接署。以重海疆職守。第臣  
已先期通行各屬。舉行科試。刻下士子雲集。臺灣府考將  
次完竣。未便令各生童守候稽延。只得扶病入場。勉行考  
校。又恐精神疎忽。飭令臺防同知葉宗元。隨同襄校。以期  
慎重。並嚴禁鎗冒頂替諸弊。靜候督撫臣委署臺灣道接  
手。有人藉得交卸。回省就醫。臣祖籍安徽籍隸宛平。本生  
長北方。現已年逾六旬。血氣日衰。海外毒霧蠻烟。殊難服  
習。醫藥不便。此次病勢日增。若得回省醫痊。仍思赴

關補行引

見緣。臣前署布政使任內。曾疊奉部催。祇以到臺軍情緊要。未敢呈請給咨。依戀之忱。無時或釋。儻醫治難效。則臣此生無由仰瞻。

天顏。惟有矢犬馬之報於生生世世矣。除稟督撫臣遴員接署。將臣臺灣道開缺並懇。

聖恩。迅賜簡放外。所有微臣舊病屢發扶病舉行科考各緣由。謹乘驛便隨案附片陳明。伏乞。

聖鑒訓示。謹。

奏

同治五年四月二十八日奉

硃批知道了欽此